

佩文齋書畫譜目錄

第五十五卷

畫家傳十一

明

陳遇

楊基

徐賁

朱芾

吳雲

張紳

劉松

陳遠

張羽


宋克

王冕

朱同

詹儼

邵誼



邵孜

章橫塘

王行

顧祿

烏斯道

朱應辰

唐肅

陸闡

陸顛

陸瑄

陸琰

陸錫

周砥

宋杞

陸行直

莘野

薛穆

虞堪

馬琬

華晞顏

張文昱

陳汝秩

陳汝言

董荆

徐敬

沈元素

陳珪

陳允文

朱祺

朱佐

朱侃

朱蒙

王賓

王履

張亦起

周位

孫文宗

盛著

王直翁

章葆

沈希遠

王仲玉

張彥材

馬良

相禮

王葯

徐良甫

陳敬止

胡秋碧

許舟

朱月鑑

王立本

王繼宗

金潤甫

周孟容

楊彝

史謹

韓廉

胡唯

鮑原禮

浦源

陳太初

顧琳

趙仲容

李石樓

夏義甫

滕遠

蔣月鑒

蔣玉泉

徐景暘

李西山

蘇照

藍瑜

陳德顏

堵炳

余仲揚

許如圭

陳舉善

李克雋

尚仲份

尚仲良

茅澤民

姚繼華

陳仲美

徐子修

羅小川

虞魯瞻

程玉泉

錢均羽

李元中

毛元升

俞景山

錢叔昂

袁子初

顧困

朱士謙

俞凝清

朱自方

胡仲厚

吳景行

史均民

傅子英

盧景春

蕭澄

金黼

范摹

范川莊

周是修

鄭恕

徐原父

姚廣孝

胡儼

王璩

陳繼

王紱

夏景

夏昂

張益

錢復

張緒

屈杓

吳瓛

林垵

魏天驥

朱孔易

高廷禮

林銘

金鉉

夏衡

鄭閻

林遵性

黃蒙

鄭昭甫

過儀

周號

茹洪

蘇伯厚

高景度

羅雅

朱亮

張子明

郭純

謝晉

王彥真

過永瞻

彭勗

卓迪

高淮

周冕

周原慶

范暹

蘇致中

郭鼎

蘇復

章瑾

上官伯達

殷善

蔣子成

邊文進

邊楚善

張克信

阮福

鞏庸

沈遇

袁廷玉

吳子陵

李福智

殷偕

趙廉

邊楚芳

俞存勝

錢永善

胡隆

周庸

張子絃

鄒明

邊孟屯

陳撫

陳以誠

蕭以德

蕭士信

蕭于喬

蕭于京

朱孟淵

馬景約

林景時

胡旻

胡旻

胡昂

胡昊

王毓

解琇

解珙

盛虞

王肇

羅理

張僊童

李時

劉祥

林真士

顧寅

鄭彥初

陸復

柴昆陵

趙迪

林宏顯

李焮

林質齋

金文璫

沈士廉

張德輝

薛績

范禮

董常

王養蒙

羅汝文

張德輔

詹仲至

高維端

許俊

目錄

李明遠

潘宗紹

魏以敬

鄭克修

何景高

洪澤

恁懋菴

黃希穀

王恭

張世祿

胡元素

趙壽

劉憑

姚繼宗

董太初

盛叔大

沈觀

汪文

李子安

弓力本

史政

李芳

許端

季賓

呂端俊

呂敬甫

朱孟約

倪宗器

睦坦

吳歸山

王元道

曾沂

沈奕

陳九成

沈彥誠

夏鼎

梁叔剛

楊雲林

鄭山輝

顧文敘

趙友

高旭

於竹屋

趙從吉

顧叔潤

張南伯

林森

謝子德

衛靖

謝宇

何澄

張祝

孫隆

王超

戴進

李彬

陳希尹

趙子深

虞謙

陳勉

謝汝明

盧瑛

王田

黃暹

葉澄

戴泉

王世祥

夏芷

仲昂

倪端

李在

周鼎

商喜

韓秀實

陳景初

陳璣

鄭時敏

方鉞

夏葵

謝環

石銳

周文靖

馬軾

商祚

林廣

陳鳳

楊子英

鄭文英

張士達

林輔

鄭克剛

陸宣

顧應文

張渙

滕杲

莫臧

壺敏

曹侃

張錦

張鐸

許宏

俞鵬

劉瑜

周永新

周璿

蘇季雅

雷濟民

張子俊

裴日英

陳公輔

陳公佐

聞人紹宗

曹仲賓

彭舜卿

沈誠

傅禮


鄭春


鄭棠

馬俊

許昂

王挹真





佩文齋書畫譜卷第五十五

畫家傳十一

明一

陳遇

陳遇字中行金陵人天資沈粹篤學博覽自名靜誠人稱之為靜誠先生上定金陵名見與語大悅三幸其第與官輒辭不就既即位再除翰林學士禮部侍郎禮部尚書皆固辭

鄭曉吾學編

靜誠先生善山水曾寫太祖御容妙絕當時

金陵瑣事

陳遠

陳遠字中復一字中孚

吾學編云陳遇之弟

善模寫人物過四明愛

風尚敦厚遂家焉太祖召寫御容為文淵閣待詔  
陳中復先生少力學通易經歷宦江海晚寄居四明其  
所得者皆一發之於畫識者謂其畫可比伯時林右公輔  
集

楊基

楊基字孟載號眉菴見書家傳其先蜀人徙居吳中官至山西

按察使善山水竹石

朱謀壺書史會要

徐賁題楊孟載畫竹詩云君心飽有滑川思揮灑風煙

意閑散北郭集

高楊張徐四先生惟太史不善畫馮意編

張羽

張羽字來儀更字附鳳號靜居見書家傳由潯陽徙居吳郡畫

法米氏父子筆意最妙仕終太常丞畫史會要

羽好著述工詩善畫名山藏

張來儀不獨能詩兼亦善畫曾臨高房山小幅感而作  
歌有云我縱有心嗟欲老又云乾坤浩蕩江湖闊縱我  
執筆嗟何從蓋深心於是者六研齋筆記

徐賁

徐賁字幼文見書家傳自蜀徙蘇州官至河南布政畫法董源

畫史會要

賁善圖染有山澤間意名山藏

徐幼文畫山水石林濯濯可愛王穉登丹青志

宋克

宋克字仲温長洲南宮里人

見書家傳

善寫竹雖寸岡尺塹而

千筴萬玉兩壘煙生蕭然無塵俗之氣

丹青志

仲温唯寫細竹嘗見其作雞栖石叢篠一幅題語極自

滿意有藝成不覺自斂手之句蓋謂不可復得也

六研齋

二筆

朱芾

朱芾字孟辨松江人官中書舍人

見書家傳

善山水白描人物

書史會要

王冕

王冕

列朝詩集云字元章號煮石山農

諸賢人屢舉進士不第竟棄去買舟

下東吳渡大江入淮楚歷覽名山川北游燕都既歸越

攜妻孥隱於九里山善畫梅不減揚補之求者肩背相

望以繒幅短長為得米之差人譏之曰吾藉是以養口

體豈好為人家作畫師哉皇帝取婺州將攻越物色得

冕寘幕府授以諮議叅軍

宋濂潛溪集

吳雲

吳雲字友雲宜興人

見書家傳

洪武五年拜刑部尚書

列卿記

吳雲善畫山水

書史會要

朱同

朱同字大同號朱陳村民又號紫陽山樵

見書家傳

官至禮部

侍郎文才武略圖繪丹青無所不精時稱為三絕

朱同覆

張紳

張紳字士行

見書家傳

洪武中累官浙西布政善寫墨竹

劉璋皇

明書畫史

詹儼

詹儼字以寬休寧人

見書家傳

洪武初官翰林學士畫馬師唐人亦工但少韻以故與松雪分蹊水墨者勝

詹東園玄覽

劉崧

劉崧字子高泰和人洪武三年以材學舉職方郎中出

為北平按察副使十四年為國子司業

吾學編

劉崧善寫梅竹集多自題詩

劉槎公羽集

邵誼

邵誼字思宜休寧人

見書家傳

洪武初訓導山水尤精紅梅墨

菊自號瓜圃鉏雲

萬姓統譜

邵孜

邵孜字思善誼弟聰敏能文善梅竹山水縣尹唐子華

畫擅當時孜盡得其妙

萬姓統譜

章橫塘

章橫塘號丹霞仙客有稽古之學善畫蘭家負鬻蘭為

食不苟取與洪武初召拜知府辭弗就宋濂以詩贈其

行

栗祁湖州志

王行

王行字止仲避跡吳山之石湖稱淡如居士畫史會要云號半軒梁國藍公薦於朝以其闕於事不能用張曰吳中人物志王行喜潑墨成山水時人謂之五潑墨畫史會要

顧祿

顧祿字謹中松江人見書家傳官太常典簿善雜畫亦能鈎勒

竹石畫史會要

國初士人猶有前輩之風都喜學畫顧謹中經進集有

自題畫竹詩松事叢說

烏斯道

烏斯道字繼善慈谿人見書家傳國初為永新令善寫竹春草齋集

朱應辰

朱應辰字文奎本作文奎字應辰今從姑蘇志列朝詩集號寄翁吳江人見書家傳洪武中

舉明經授蘇州府訓導善白描人物畫史會要

唐肅

唐肅字處敬山陰人見書家傳洪武中供奉翰林文字書畫皆

能嘗自作梅石圖賦詩題之皇明書畫史

陸闔

陸闔字伯暘興化人見書家傳洪武中仕為楚府伴讀畫山水

木石為當時所重楊士奇東里集

陸顥

陸顥闔之弟見書家傳官禮部員外郎能畫人物與其詩字稱

為三絕

畫史會要

陸瑄

陸瑄顥之子善山水人物花鳥草蟲雜品極其精妙以

賢良方正辟舉

歐陽東鳳興化志

陸琰

陸琰顥之季子善唐馬蒼茫敗素時人獲之視為拱璧

興化志

陸錫

陸錫顥之孫瑄之子善花鳥有呂廷振之風能詩號東

村外史

興化志

周砥

周砥字履道號翁溜生吳郡人

見書家傳

工畫山水

蘇州志

周翁溜善山水能於叔明大癡兩家法度外獨標平淡

清遠之趣

紫桃軒雜綴

宋杞

宋杞字授之錢唐人舉進士國初以考禮名授官知全

州未及任旅死於塗通易於史學尤邃兼善畫

唐肅丹崖集

陸行直

陸行直字季衡吳江人

見書家傳

洪武中授翰林典籍詩畫清

勁為人所稱

畫史會要

莘野

莘野字叔耕歸安人洪武初由本縣儒學訓導遷棗強

知縣致仕後改麗波巡檢卒官

環州集

張羽題葦野寒林云好畫誰如葦棗強墮馬折肱猶未忘何年寫此寒林趣精絕未數左手王

靜居集

薛穆

薛穆字公遠號澹園吳江人

見書家傳

洪武中為郴州通判亦

精於畫

畫史會要

虞堪

虞堪字克用一字勝伯宋丞相雍公諸孫也後家長洲好為詩兼能寫山水洪武中為雲南府學教授

列朝詩集

馬琬

馬琬字文璧秦淮人少有志節尤工諸畫學春秋於鐵

崖國朝仕為撫州知府

列朝詩集

文壁工詩與書畫每遇佳山水必託之豪素有董北苑米南宮之法輒自題其左時號三絕

松江志

華晞顏

一作希賢

華晞顏字以愚洪武初辟舉以老辭隱居東湖作詩畫

自娛

昆陵人品記

華以愚善畫山水

無錫志

華以愚祖法巨然而奄有雲西幼文之趣蓋一時能手也

六研齋三筆

張文昱

張文昱金陵人洪武五年知邵武善詩文尤精於畫號

蒲塘散人後官刑部侍郎

江寧府志

### 陳汝秩

陳汝秩字惟寅安貧力學工詩文性嗜古每購書畫傾貲弗惜洪武初以人才徵至京師以母老辭歸

吳縣志

惟寅蘇門高士繪法宗唐宋傳采著色有李思訓李營

丘之標致

六研齋三筆

### 陳汝言

陳汝言字惟允

畫史會要云號秋水

與兄汝秩齊名工詩兼善繪事

洪武初以薦任濟南經歷坐事免

吳縣志

惟允善畫山水宗趙魏公清潤可愛

皇明書畫史

惟允溪山秋霽卷全學董巨慈母手中線小幅全學馬

和之

清河書畫舫

### 董荆

董荆字宗楚新昌人博學好古長於詩文尤善畫洪武十七年舉博學宏辭授縣丞辭不就

莫旦新昌縣志

董宗楚善畫解衣盤礴揮灑淋漓王維鄭虔之風蓋可

追也

呂不用得月稿

### 徐敬

徐敬字敬仲清江人洪武中為監察御史歷官春坊喜

寫墨梅為海內所稱重別號梅雪

江西通志

### 沈元素

沈元素懷安人

見書家傳

工畫洪武初舉授本縣訓導後擢僉

憲 何喬遠閣書

陳珪

陳珪字伯圭常熟人務學不仕師朱氏父子作山水筆  
意高雅頗自愛不輕為人作洪武中嘗居京邸

蘇州志

陳允文

陳允文

書畫史云號寶齋

珪子居鄉有隱德能詩亦善寫生

蘇州志

朱祺

朱祺字孟祺行己方雅有高韻畫山水兼諸家所長名  
籍甚號拙菴居士

蘇州志

朱佐

朱佐字廷輔祺子精於人物

蘇州志

朱侃

朱侃字廷直祺子亦精人物山水師夏珪尤超逸

蘇州志

朱蒙

朱蒙佐子亦以畫名

蘇州志

王賓

王賓

貧士傳云字仲光吳郡人

隱晦不仕嘗於天平山作龍門春曉圖遂

知名於繪事

吳中人物志

王履

王履字安道崑山人博通羣籍教授鄉里能詩文工繪  
事游華山作圖四十幅安道畫少師夏圭評者謂行筆  
秀勁布置茂密作家士氣咸備及游華山見奇秀天出

乃知三十年學畫不過紙絹相承指為某家數於是屏去舊習以意匠就天則出之列朝詩集

張未起

張未起善畫元張師夔高弟洪武初有盛名兩浙清介凜然不苟接人楊十奇東里續集

周位

周位字玄素太倉人博學多材藝尤工繪事洪武初取入畫院宮掖山水畫壁多出其筆錢肅樂太倉州志

孫文宗

孫文宗字仲文祥符人善丹青尤善傳神洪武三年召至京傳寫太祖御容李天廟祥符志

盛著

盛著字叔彰嘉興人盛懋之姪能全補圖畫運筆著色與古不殊洪武中供事內府畫史會要

王直翁

王直翁字子愚少從周耕雲游耕雲專寫神畫得其術春草齋集

章葆

章葆字德玉金華人蚤歲北游嘗仕祕府年七十餘流落梁宋間時寫翎毛花果生意入神程本立巽隱集

沈希遠

沈希遠崑山人山水宗馬遠亦善傳神洪武中寫御容

稱旨授中書舍人 畫史會要

王仲玉

王仲玉洪武中以能畫召至京師 畫史會要

張彥材

張彥材善傳神楊廉夫常主其家為詩畫文 太倉州志

馬良

馬良字子善臨安人來學於吳因家焉自幼巧慧於繪

事尤精晚移崑山嘗作四天王像於僧寺甚奇特盧公

武為作傳 吳中人物志

相禮

相禮字子先華亭人能詩善畫尤精於弈當世無敵洪

武中召至京師厚賜遣還誠意伯常為文贈之 松江志

杞子先學黃大癡畫輒逼真 陳繼儒畫苑

王葍

王葍字子約金華人善畫竹多用鈎勒蘇伯衡嘗為鈎

勒竹歌以美之 六研齋二筆

徐良甫

徐良甫 與王葍同時 蘭溪人善畫梅 六研齋二筆

陳敬止

陳敬止清江人嘗有志於學問文章而尤寓意於畫鳥

獸魚蟲之情性雲煙山水之變態莫不精究為人傳形

寫照猶能得其神 練安金川玉屑集

胡秋碧

胡秋碧海鹽人善傳神嘗欲畫楚石禪師像千幅畫將半而師化俄日本入至見之皆羅拜曰此吾國祖師也競以金售之秋碧由此致饒

許舟

許舟字子載石門人工畫山水初學盛子昭後倣黃子久其得意處皆通省

朱月鑑

朱月鑑亡其名蘭溪人國初以善畫荷花得名所居之旁有小池可半畝許植荷數品作亭其上終日坐觀以察荷之生長榮悴苗葉花實容色態度為之寫真筆妙

入神

陸鳳儀金華志

王立本

王立本嘉善人山水人物師梁楷山水則麤筆遠意有微茫煙雨之狀

王繼宗

王繼宗立本子畫師盛懋筆法精細

金潤甫

金潤甫畫史明初謫大理繪武安王廟壁大理之工畫自潤甫始

周孟容

周孟容嘉定人工寫神王常宗嘗敘其聚英圖

吳中人物志

楊彝

楊彝字宗彝餘姚人別號銀塘生

見書家傳

乘牛出入四明洞

天遇風景林壑之美即箕踞長嘯狀其草木水石題詩

於上墨光動盪

紹興志

史謹

史謹字公謹少從倪瓚高啓游博學好古工詩什善丹青

洪武末用翰林學士王景薦授應天府推官左遷湘

陰丞既謝政僑居金陵自號吳門桀樵

崑山人物傳

史謹長於寒林雪景

金陵瑣事

韓廉

韓廉字仲廉婺源人博學工書善畫號樵野

徽州志

胡唯

胡唯字貫道婺源人工詩善書尤善畫山水雲龍梅竹

人稱三絕嘗採六經子史之要詩文書畫之法名曰致

和編永樂中訪求遺書其從子士沂上之

徽州志

鮑原禮

鮑原禮畫菜若生

畫史會要

四明鮑原禮山水人物花鳥一卷國子博士臨安錢宰

伯均為之序原禮無所見伯均在國初與宋景濂諸公

俱以文顯

程敏政篁墩集

浦源

浦源字長源工詩與福建林鴻為詩友號十才子尤善

畫舉授晉府引禮舍人號東海生

秦漢交無錫志

浦長源雲林弟子善畫

吳隱集

陳太初

陳太初劉伯溫謂其善畫松亦能墨竹

畫史會要

顧琳

顧琳號雲屋上虞人仕為知州讀書政治之暇游戲繪

事為世所重

畫史會要

吳郡顧雲屋工山水畫鄭山輝稱其有出塵之趣

宋玄僖

庸齋集

呂不用題顧雲屋雲山圖云我識東吳顧文學早歲丹

青動黃閣揮豪得意傲王侯霜刮虬髯面如削

得月稿

趙仲容

趙仲容會稽人以繪事游山海間

庸齋集

李石樓

李石樓太守寫竹有書法

庸齋集

夏義甫

夏義甫鄞南人博學好古築室天目杜門隱居與張羽

諸君子相為師友每有所得輒為吟咏又喜繪事天目

山房圖蓋其得意筆也

粟和湖州志

滕遠

滕遠吳郡人朱景春安分軒卷洪武辛酉滕遠畫

鐵網珊

瑚

蔣月鑒 蔣玉泉

蔣月鑒金壇人善寫照子玉泉得其傳 謝應芳龜巢集

徐景暘

徐景暘南徐人工書史善吟詩旁通繪事有士韻而無俗姿一時賢公卿皆與之游有薦於朝者以母老不仕 宋濂學士集

李西山

李西山未詳何許人宋太史景濂嘗題其古木圖 皇明書畫史

蘇照

蘇照字明遠建安人為黃叔暘作墨菊圖循之以竹石

宋濂翰苑別集

藍瑜

藍瑜盱江人宋濂題柏菴圖後云上黨馬君庭堅其幼也父名之以柏長遂築室而居甲柏菴及主事勲曹轉閩省檢校官不至菴中者頗久乃命盱江藍瑜畫為圖時展玩之 翰苑別集

陳德顏

陳德顏松陽人善描真宋濂贈傳神陳德顏序云京都之間天下藝能之所萃止如德顏者什百之中僅一見焉 宋學士集

堵炳

堵炳字文明官郎中善畫山水

劉槎翁集

南溪耕漁圖刑曹郎中堵文明所作

貝瓊清江集

余仲揚

余仲揚善山水劉崧題其畫云金華仙人余仲揚筆墨

蕭疎開老蒼

劉槎翁集

許如圭

許如圭

太祖時人

劉崧題許霍州如圭所畫碧溪圖云許侯作

畫如作字點綴清妍極風致

劉槎翁集

陳舉善

陳舉善泰和縣丞工山水

劉槎翁集

李克雋

李克雋兵曹善作墨竹

劉槎翁集

尚仲份

尚仲份善畫為陳孔碩作松岸輕舟圖

劉槎翁集

尚仲良

尚仲良

太祖時人

張以寧題其畫鷗卷云滄江雨疎疎翻飛一

春鋤老樹如人立欲下意躊躇明年柳條長遮汝行捕

魚

翠屏集

茅澤民

茅澤民號臞叟高太史季迪題其夏山過雨圖云茅翁

素有丹青才新圖一片似海岳高堂未展涼先來嗟余

久逐揮汗客席帽障日趨黃埃問翁幾欲東游去如此

畫圖安在哉書史會要

姚繼華

姚繼華以文學被徵任河間都轉運使張羽有題姚運使畫溪山仙館圖詩靜居集

陳仲美

陳仲美太祖時人張羽題其夏沐圖去陳郎筆力能扛鼎寫此千章夏木寒靜居集

徐子修

徐子修善畫山水袁凱題其畫云襄陽小米師董源妙處不受繩墨牽頃刻萬里皆自然房山尚書世稱賢化為白雲滿晴巔李家將軍極清妍畏避退縮不敢前至

今海內人爭傳卿惟得此二家意損益往往無留滯意思元居造化先筆力正在蒼茫際海叟集

羅小川

羅小川豫章人善畫翠屏集

虞魯瞻

虞魯瞻太祖時人貝瓊題其所畫山水云御史新來水石工數峰依約米南宮試添茅屋新林下著我江南鶴髮翁貝

清江集

程玉泉

程玉泉太祖時人詹同題程玉泉竹云玉泉公子能寫竹曾動天顏丹禁中今觀此圖亦清絕琅玕个个生秋風昔日

輞川王摩詰後來吳興趙子昂古今名筆兩奇絕玉泉  
欲與爭輝光天衢舒嘯集

錢均羽

錢均羽善畫丹崖集

李元中

李元中太祖時人唐肅題其畫竹云城南初識李姚江筆底風

生鳳尾雙只許丹淵相伯仲開門合受薊丘降丹崖集

毛元升

毛元升工畫花卉皇明書畫史

唐肅題毛元升畫薔薇云色是昭陽第一人縷金衣薄  
不勝春毛生能畫非延壽不得黃金也通真丹崖集

俞景山

俞景山太祖時人錢宰題其所畫山水幃云俞君作畫時雅有

山林癖朝登秦望山萬壑千巖淨橫臆暮上香爐峰海  
色秋清上遙碧歸來放筆做董源筆底丹青浩無迹臨

安集

錢叔昂

錢叔昂太祖時人唐肅停雲春思圖記云吳郡陸振文從事督

府既而授官司廩於鳳陽同府錢叔昂惜其行也乃託  
之豪素為圖以贈題曰停雲春思唐肅息未稿

孫黃題錢叔昂瀟湘圖云錢郎毛骨清寫此兼眾妙西

菴集

袁子初

袁子初字叔言號雪齋上虞人流落江西寫梅得王元章法花多刻白不甚繁戴冠始興志

顧困

顧困嘗為元官明初遁跡善繪事每見奇山水及樹石佳者瞪目微睇心與境會輒恣揮灑初師董元出入諸家尤工設色亦號大癡常熟志

朱士謙

朱士謙常熟人工寫人物設色精古畫史會要

俞凝清

俞凝清善畫董佐才題凝清小樓詩有畫幅遙臨列岫

來之句賴良大雅集

朱自方

朱自方號夢菴臨江人家奉化性尚冲澹喜寫水墨山水晚年出入郭熙范寬而自成一家畫史會要

胡仲厚 吳景行

胡仲厚吳景行俱鄞人畫青綠山水師董源亦自祕惜人罕得之張時徹寧波志

史均民

史均民善畫水仙寧波志

傅子英

傅子英善模寫人物寧波志

盧景春

盧景春字以和居城西繞屋種梅善寫花竹翎毛梅入佳品號燕居

常熟志

蕭澄

蕭澄以畫水名嘗於波濤轉折處寓一蕭字或一澄字

以為款識

畫史會要

金黼

金黼字用文常熟人畫山水墨竹蘭石有佳趣號竹泉

畫史會要

范摹

范摹字行式涉獵經史善詩歌多藝能凡金石款識篆

刻書畫之類皆能著其時代辨其真贋工畫山水人物筆力瀟灑立趣幽遠

嘉興府志

范川莊

范川莊崇安人家貧善丹青變態時出曲盡物狀國初有欲薦為金門畫史川莊自謀曰巖廊畫工必極天下之選豈易應邪徑游金陵訪金門畫客有程姓者范求見請曰川莊貧無以活生願身傭門下供薪水暇則洗硯研墨以執事左右程許之川莊觀其畫出已下一日味爽往汲奔歸驚愕口不能言若佯狂然程急詢之對曰適見羣怪不能形容請紙一幅貌之備寫幽怪屈伸奔跳牽挽之狀精入神妙程即下拜曰子吾之師也願

執弟子禮范辭避遂遁去抵家歲暮無以供臘其鄰嘲之范曰吾有一鵝勞子市之鄰曰諾乃取紙畫鵝張翼威頸作將鬪狀鄰曰除夕矣孰用此也范曰汝候富家有鵝歸者汝黏之壁人必取之如其言見童子驅鵝者隨之黏諸壁鵝見畫鵝即雄聲展羽作鬪狀既近畫遂戢翼垂頭而走主人重價求之相傳為神筆云

閩畫記

周是修

周是修吉水人善畫龍

羅鶴庵卷隨錄

鄭恕

鄭恕字本忠仙居人

見書家傳

建文時知蕭縣善書畫

吾學編

徐原父

徐原父金華人方孝孺畫梅贊曰潛溪公致仕家居時嘗以郡人徐原父所畫梅寄余兄希學筆法清勁有出塵之意

方孝孺遜志齋集

姚廣孝

姚廣孝長洲人

見書家傳

幼名天禧至正間為僧名衍字志道

靖難後為太子少師

吾學編

少師自題畫竹云永樂六年夏六月余因病不出獨坐於壽椿堂之南牕忽想長洲舊業之竹歸心油然而生也故作短梢并詩以記其事云翠葉離離拂水雲凌霜勁節不同羣荒村寥落無人處誰謂茅菴有此君

珊瑚網

戴冠題姚少師畫竹即次其韻云北地風高卷塞雲驚

沙吹起鴈成羣客邊偶寫龍孫譜忘却江南有此君濯

胡儼

胡儼字若思號頤菴南昌人見書家傳官至國子祭酒以水墨

秃筆寫羊鹿甚有生動亦能竹石蘭蕙畫史會要

王璵

王璵字汝玉以字行號青城山人見書家傳其先蜀之遂寧人

從父宦遊占籍吳中永樂時官翰林檢討直內閣能書

亦能畫畫史會要

陳繼

陳繼字嗣初吳縣人從王行俞貞木游貫穿經學人呼

為陳五經初開弘文閣用楊士奇薦召授翰林五經博士進檢討列朝詩集

陳嗣初以文章擅名翰林寫竹尤奇仲昭士謙皆師事之馮仙澗園繪畫鑑續纂

王紱

畫史會要作紱

王紱字孟端號友石又號九龍山人見書家傳高介絕俗沐黔

公行金帛求畫謝絕之後忽作一幅遺其所厚同官轉

致之曰姑以是塞黔公意毋言我為公也月夜聞鄰笛

乘興畫幅竹訪遺之其人乃大賈喜甚與絳綺各二更

求配幅却其幣手裂畫壞之畫竹為國朝第一名山藏

孟端善於繪事長江遠山叢篁怪石隨意所適無不妙

絕 王進友石先生詩集序

芾平遠竹石師倪雲林其合作者甚佳山水師王叔明  
自有一種風度 畫史會要

文徵明曰友石先生畫品在能之上評者為作家士氣  
皆備然其人品特高能不為藝事所役雖片紙尺縑苟  
非其人不可得也 珊瑚網

王孟端山水用筆精到超出幼文天游之上而與叔明  
並駕 六研齋筆

### 夏昺

夏昺字仲昭崑山人 見書家傳以進士自中書舍人累進太常  
寺卿直內閣畫竹石師王紱至遠夷亦購之 名山藏

畫家推墨竹頗寓書法近時得其妙者莫過於毘陵王  
孟端舍人而夏太常仲昭嘗師之早歲類其筆意其後  
稍變而崑山之人師之者更數輩獨屈約處誠頗類之  
而今人家所得往往出其手也 匏翁家藏集

夏太常畫竹為當時第一有夏卿一个竹西涼十錠金  
之謠所作竹枝煙姿雨色偃值濃踈動合架度蓋行家  
也 丹青志

### 夏昺

夏昺字孟暘太常卿仲昭兄 見書家傳作畫師高房山平生不

多作故世惟知太常墨竹而不知孟暘 甫的集

孟暘畫蕭蕭有林壑之氣仲氏有所不逮 丹青志

張益

張益字士謙

見書家傳

與仲昭同郡同登第官至學士寫竹亦

妙

圖繪寶鑑續編卷

張益初與夏昞同年及見陳嗣初王孟端俱善作文寫竹後昞見益作石渠閣賦出已上遂不復作益見昞竹妙絕亦不復寫竹竟各以其所能名世

列傳記

錢復

錢復常熟人清逸不羈亦能書畫山水師董源入能品

畫史會要

張緒

張緒字廷端常熟人

見書家傳

為會昌侯府教授墨竹亞於夏

太常昞

常熟志

屈杓

畫史會要作約

屈杓字處誠能讀先世遺書隱居不仕喜畫山水多深遠穠麗之致嘗受竹於夏太常而太常故不喜向人寫竹欲見其揮染弗得也故張絹素於壁從太常飲俟其酣放時自為之太常既醉輒馳去公乃縱意潑墨為風雨竹數竿他日太常見而訝曰吾何從作此杓以酒酣對太常諦視良久曰醉也乃忘結索筆埽數葉其頂上覺雨驟風旋竹情頓倍公乃自念吾終不能寫吾竹當作太常竹耳去學寫松遂臻其妙

崑山人物傳

吳璣

吳瓚字惟貢崑山人畫竹師夏太常亦知名於時崑山志

林垧

林垧字惟堅侯官人善墨竹及夏景出名遂稍遜閩書

魏天驥

魏天驥字應祥善墨竹得夏仲昭正傳興化志

朱孔易

朱孔易名寅以字行華亭人見書家傳永樂初以能書被選官

至順天府丞亦善畫松江志

孔易善山水寫東里少師歸田圖人稱絕筆畫史會要

高廷禮

高廷禮初名棟字彥恢號漫士長樂人見書家傳永樂初為翰

林典籍工書畫名山藏

廷禮善書畫客有求者輒曰欲我作無聲詩邪世稱三絕福建通志

廷禮善畫山水筆力蒼古墨氣秀潤得米南宮高房山之法自成一家閩書記

林銘

林銘字良箴長樂人號琴樂子工山水竹石得宋元遺

意閩書記

金鉉

金鉉字文鼎別字尚素華亭人見書家傳作書畫皆造極詣東

里續集

金鉉山水倣黃子久高房山

畫史會要

夏衡

夏衡字以平松

江人見書家傳

自中書舍人進太常寺卿作畫

有黃子久之妙

圖繪寶鑑續編

以平竹石亦精

畫史會要

鄭閣

鄭閣字公望閩縣人能詩善畫登永樂壬辰進士官至

廣信教授

閩畫記

林遵性

林遵性名泉長樂人舉永樂甲午鄉薦隱居嶼南董山

之下善墨竹

閩畫記

黃蒙

黃蒙字養正

温州志云以字行

瑞安人

見書家傳

永樂中授中書舍人山

水得黃子久筆意

畫史會要

鄭昭甫

鄭昭甫善畫有節操嘗有駙馬都尉偕郡馬王恭逼致

圖其像投筆徑去因大哭二公無如之何

解學士集

鄭昭甫閩縣人善山水兼寫真

閩畫記

王彥真

王彥真建安人善墨竹寫歲寒煙雨圖王典籍恭為之

題詩

閩畫記

過儀

過儀字廷章常州志云號聽松老人無錫人善詞翰有司常薦於朝不就放情詩酒畫松特妙山水小景亦佳人以方之王紱

田隄人品記

過永瞻

過永瞻儀子亦善畫松常州志

周號

周號字德元號草庭崑山人見書家傳寫梅超絕王元章之後

一人而已方鵬崑山志

彭勛

彭勛字德勉號世竹周草庭之甥墨梅得舅氏之傳皇

明書畫史

茹洪

茹洪字仲宏一字樊明作窠石竹木法郭熙為山水氣韻奇古永樂中召入都名重公卿間無錫志

卓迪

卓迪字民逸奉化松溪人見書家傳善寫水墨山水嘗師朱自方得其心妙而筆法精緻實過焉永樂中召入翰林南京報恩寺湧壁有民逸筆云寧波志

蘇伯厚

蘇伯厚名坤建安之璜溪人見書家傳永樂時檢討書畫俱妙

畫史會要

高淮

高准字秦仲號竹所又號采芹子長樂人水墨山水遠  
追房山近方漫士登永樂丁酉鄉薦

開畫記

高景度

高景度淮之族子亦工山水

福州志

周冕

周冕字服卿鄞人

見書家傳

善畫梅竹山水永樂中預修大典

除正字遷右春坊號訥菴

寧波志

羅雅

羅雅字正伯沙縣人永樂間以歲貢為戶部郎中歷官

山東參政善山水高待詔題羅正伯畫米家山水云豫

章賢俊裔二米是前身

開畫記

周原慶

周原慶麗水人永樂間由人材授廣東程鄉知縣終刑  
部郎中畫得青山白雲之趣又善松石

何鐘括蒼志

朱亮

朱亮字伯亮東吳人善寫山水時不厭人之數求能別

識古器物及畫格之高下藉商以給衣食嘗汎舟江湖

間自號曰商潛晚年置田淞南築室婁水之上又號婁

東散人

張文僖公集

范暹

范暹字啓東號葦齋東吳人永樂中取入畫院花竹翎

毛人多尚之

畫史會要

啓東善花鳥有談論館閣名公多重之老於京師人稱  
范葦齋先生云水東日記

張子明

張子明彥材子亦善畫永樂間徵至京師有名公卿間  
太倉州志

蘇致中

蘇致中蜀人嘗官郡守畫山水宋馬遠夏圭行筆如草  
書法略不經意草草而成亦得其妙非淺近所能及皇  
明書畫史

郭純

郭純永嘉人初名文通精繪事事太宗文皇帝賜名純

擢營繕所丞洪熙初陞閣門使東里集

長陵於書獨重雲間沈度於畫最愛永嘉郭文通以度  
書豐腴溫潤郭山水布置茂密故也有言夏珪馬遠者  
輒斥之曰是殘山剩水宋僻安之物也何取焉水東日記

郭文通充內供奉宣廟嘗面促之畫不即執筆以死怵  
之對曰苦書樂畫寧死不能草草上為霽威張汝弼東海集

郭純山水學盛子昭畫史會要

郭鼎

郭鼎純之後亦善琴畫王繼明湖州志

謝晉續

謝晉字孔昭別號蘭庭生亦稱深翠道人晚自稱葵丘

翁畫師王蒙趙原既精詣則益以爛熳千巖萬壑愈出愈奇尋丈之軸不日而成畫遂名世

吳縣志

謝晉性耿介里人疾之以繪工起貢京師僑居金陵廿餘年以目眚放歸

列朝詩集

蘇復

蘇復字性初郡人仕綿州知州作畫師盛懋後宦游歸畫趣盡變舊習然不苟作終歲不能脫一幀殆與孔昭遲疾不同矣

吳中人物志

章瑾

一作莊瑾

章瑾字公瑾號采芝華亭人善草書尤長於畫師法夏珪馬遠蓋張可觀以後一人而已為人雅淡有高致日

登山臨水所至成趣遇知己觴詠竟日畫或頃刻可成或數日不欲著一筆

水東日記

章瑾寫寒山拾得像春江送別圖皆不

松江志

吳子陵

善畫史作子麟畫史會要作子麟

吳子陵與章瑾同里善畫山水亦有名於時

松江志

子麟山水學盛仲昭亦能作枯本竹石

皇明畫史

上官伯達

上官伯達邵武人善寫山水人物永樂間召詣京師直仁智殿作百鳥朝鳳圖帝說之除官不受以年老請歸

福建通志

伯達神佛人物傳色既精神采亦備能使人起敬

圖繪寶

李福智

李福智釋道人物可繼上官伯達

圖繪寶鑑續纂

殷善

殷善字從善金陵人花果翎毛極清致

圖繪寶鑑續纂

殷偕

殷偕字汝同善子亦專其業

畫史會要

蔣子成

金陵瑣事  
作子成

蔣子成宜興人

圖繪寶鑑  
云江東人

善畫山水人物傳彩精緻尤長

於水墨大士像永樂間徵入京師時以趙庶虎邊景昭

翎毛并子成人物為禁中三絕

常州志

子誠幼工山水中年悔其習遂畫佛像為有明第一手

金陵瑣事

子成善畫道釋人物嘗命畫真相賜番國名重當時

畫

史會要

有潘爛頭者浼子成作瘟元帥像久之弗與一夕名瘟

帥至子成家子成恐旋畫與之爛頭訝之曰神像舊所

懸金字碑書出入天門四字君何易曰無拘霄漢子成

曰旬日每夕吾見神所懸者如此

江寧縣志

趙庶

趙庶湖州人善畫虎人稱趙虎

畫史會要

邊文進

畫家傳十一

邊文進字景昭沙縣人為人夷曠灑落善繪事尤精於花鳥永樂間召至京師授武英殿待詔

延平志

邊景昭善翎毛花果花之嬌笑鳥之飛鳴葉之正反色之蘊藉不但鈎勒有筆其用墨無不合宜宋元之後殆其人矣

圖繪寶鑑續纂

諸畫譜皆謂景昭為隴西人蓋邊姓舊出隴西題款或署其故郡遂至傳訛

閩畫記

邊楚芳

圖繪寶鑑作楚祥

邊楚芳景昭長子善花果翎毛後占籍錦衣

閩畫記

邊楚善

邊楚善景昭次子亦善花果翎毛工緻可愛

閩畫記

俞存勝

俞存勝景昭之甥畫師舅氏

閩畫記

張克信

張克信景昭之婿得邊氏粉墨門法遂為沙縣翎毛之

祖

閩畫記

錢永善

錢永善花鳥宗邊景昭

畫史會要

阮福

阮福北海人道釋物像亞於子誠

畫史會要

胡隆

胡隆字必興蔣子誠門人工於神鬼

金陵瑣事

鞏庸

鞏庸字友常早從張世祿學丹青寫人物山水綵繚隨筆有意永樂間應詔至京名動公卿

馮相陳州志

周庸

周庸字叔常常熟人徙家崑山精於丹青而好吟咏

皇

明書畫史

沈遇

沈遇字公濟號矍樵吳縣人善山水淺絳丹青種種能之晚工雪景永樂末嘗召見歸以高年終吳原博曰余數過雅趣堂矍樵翁出見客衣冠雅而言貌古宛有前輩風雅非今世所謂畫史也

列朝詩集

沈遇水墨山水師馬夏淺絳法李唐深色摹趙伯駒皆逼真常好畫古忠節孝義之跡置坐間使人觀感有求者輒與之

吳縣志

張子絃

張子絃閩人工畫梅林膳部鴻有題子絃畫梅歌

閩書

袁廷玉

袁廷玉名珙以字行鄞縣人得相法於別古崖洪武間識長陵於潛邸登極後召拜太常寺丞於九流百氏靡不涉究好為歌詩人稱為柳莊先生

列朝詩集

嚴氏畫品有袁柳莊畫竹

珊瑚網

鄒明

鄒明字啓東善傳神得意時絲髮無不肖者吳縣志

邊孟屯

邊孟屯沙縣人善山水人物延平志

陳撝

陳撝字仲謙武昌人永樂中寫太宗御容稱旨畫史會要

陳以誠

陳以誠秀水人善詩畫尤精於醫永樂間為太醫院判

畫史會要

蕭以德

蕭以德道士蕭自愚姪善畫天神古佛菩薩東里集

蕭士信

蕭士信以德之子以寫真遊兩京東里集

蕭于喬 蕭于京

蕭于喬士信子益精其父之藝嘗至南京大夫士求之者眾弟于京來北京其藝加精於寫貌酷似一時京師之寫真者皆稱其難臨摹唐李杜宋歐陽司馬周程邵張及胡澹菴諸君子皆精妙東里集

朱孟淵

朱孟淵閩縣人善畫人物番馬效李伯時獨得其奧閩

畫記

朱孟淵作西園雅集圖用水墨清韻灑灑可愛東里集

馬景約

馬景約字自牧閩縣人善山水逼真高彥敬出入董米  
間峰巒結構煙雲變幻水木去就錯綜萬態談笑揮灑  
曲臻其妙與高廷禮王偁輩友善私謚曰安素先生

閩  
畫記

林景時

林景時長樂人自號虛白子工山水專學二米間效商  
高竹木林泉有意外趣

閩畫記

胡旻

胡昱

胡昂

胡昊

胡旻嘉興人父齋永樂中以善卜為刻漏博士旻及弟  
昱昂昊皆棄占筮而學畫遂以善畫名山水人物尤精

畫史會要

王毓

王毓字用賢鄞人嘗慕宋廣平林和靖之為人植梅庭  
下因寄之模寫標格勁瘦詩工於長歌隸書亦有新意  
時稱三絕自號香雪披老人

張時徹寧波志

解琇

解琇興化人能旋佛光不以規矩成祖選繪報恩寺廊  
壁

興化志

解琪

解琪善山水人物雜科極其精妙號

一壑

興化志

盛虞

盛虞字舜臣號秋亭無錫人慕其鄉倪徵君雲林之畫

尤喜其秋亭野興一幅畢力摹之又取以為號其所作大都與王舍人孟端相上下因倨傲不輕與人作其蹟傳者遂少

六研齋二筆

王肇

王肇字開若侯官人修撰王襄子也永樂宣德間以文學屢徵不起少學詩於林鴻膳部學書於王偁檢討學畫於高棟待詔棟送肇詩有云玉堂笑我金壺墨北苑真源竟誰得好憑南鴈寄相思為寫吳航故山色今畫在人間百無一二

閩畫記

羅理

羅理真寧人工於畫每作動物儼有生氣魏國公嘗見

所畫真武像願以百金購之

慶陽府志

張僊童

張僊童安化人少從羅理凡寺廟牆壁經其畫者咸稱神妙興教寺有羅漢十八幅并寒山拾得像儼然如生

慶陽府志

李時

李時字居中北京人善畫姚少師贈以詩云北苑當年下筆奇浪傳千載亦堪悲天機爛熳無人悟誰道燕山有李時

畫史會要

劉祥

劉祥字瑞初號雪溪長樂人精醫善畫龍虎

閩書

林真士

林真士長樂人工山水與高棟友善棟題真士畫云楚雲天外數峰青春水桃花滿洞庭落日樓臺明鏡裏欲停瑤瑟候湘靈

閩書

顧寅

顧寅字叔明號友雲

書畫史云又號無心

蘇州人善畫山水竹石松

樹

畫史會要

孫寧題半塘寺潤公房顧叔明所畫松壁云顧君叔明善寫松妙趣直與韋偃同片縑幅紙不易得人爭一觀清雙瞳

列朝詩集

鄭彥初

鄭彥初閩縣人永樂初二工墨梅

閩畫記

陸復

陸復字明本吳江人善畫梅自號梅花主人

蘇州志

柴昆陵

柴昆陵成祖時人李孝謙題柴昆陵越山春曉圖云柴侯晚年天機精酒酣潑墨為予寫

中林集

趙迪

趙迪字景哲閩縣人工水墨山水師法二米王恭題其畫云濡豪不見米南宮墨客猶傳寶晉風應有離情何處著盡隨殘雨上青楓可以知其風旨矣

閩書記

林宏顯

林宏顯號洞陽山人長樂人工畫梅石筆力蒼古效楊補之王元章世稱洞陽梅

閩畫記

李焮

李焮字純正號十洋長樂人善畫龍虎以能詩重

閩畫記

林質齋

林質齋閩縣人進士林珙之父善山水人物清幽瀟灑

王恭賦無聲詩趣以贈

閩畫記

金文雅

金文雅字彥輝號筠石蘇州人有行義寫墨竹多喜作

叢篠之類

皇明書畫史

沈士廉

沈士廉嘗官御史善畫墨梅

皇明書畫史

張德輝

張德輝字秋蟾號雲巢老人居慈谿大寶山麓少學畫

龍飛雲驚電變化萬狀極於神妙可追蹤陳所翁神祠

梵宇古壁尚存其跡

畫史會要

薛績

薛績字汝嘉號古巖吳江人善山水

畫史會要

范禮

范禮字宗嗣常熟人山水師馬遠

常熟志

董常

董常嘉興人工道釋像筆力細而勁拔

嘉興府志

王養蒙

王養蒙鄞人畫蒲萄障乘醉著新草履漬墨亂步絹上就以為葉布藤綴實天趣自然

畫史會要

羅汝文

羅汝文沙縣人善山水

閩畫記

張德輔

張德輔長樂人善畫魚

閩畫記

詹仲至

詹仲至福寧人善山水王修撰裱有題長溪詹仲至畫

明月一方圖詩

閩畫記

高維端

高維端號正翁高棟之族善畫蒲萄得陳天民體

閩畫

許俊

許俊金陵人畫道釋人物

皇明書畫史

李明遠

李明遠畫菊花

皇明書畫史

潘宗紹

潘宗紹吳江人業醫畫枯木竹石

皇明書畫史

魏以敬

魏以敬善畫花竹禽鳥

皇明書畫史

鄭克修

鄭克修清江人工畫人馬雖未能追迹古人殊無塵俗

氣 皇明書畫史

何景高

何景高不知何許人畫界畫宗朱君璧 皇明書畫史

洪澤

洪澤不知何許人畫道釋人物 皇明書畫史

怱懋菴 畫史會要 作穉菴

怱懋菴工墨梅 皇明書畫史

黃希穀

黃希穀不知何許人工畫松 皇明書畫史

王恭

王恭杭人畫山水宗馬遠無大過人者亦自可觀 皇明書

畫史

張世祿

張世祿儀封人善畫山水人物道釋名重當世亦精寫

照 皇明書畫史

胡元素

胡元素不知何許人工畫山水 皇明書畫史

趙壽

趙壽字南山工畫人馬 皇明書畫史

劉憑

劉憑不知何許人畫古木 皇明書畫史

姚繼宗

姚繼宗淮揚人善寫照 皇明書畫史

董太初

董太初未詳何許人善畫山水客死天台 皇明書畫史

盛叔大

盛叔大不知何許人畫山水學盛子昭 皇明書畫史

沈觀

沈觀字用賓錢唐人畫山水學馬遠盛子昭亦工雜畫

皇明書畫史

汪文

汪文不知何許人工畫花鳥頗善設色殊欠生動 皇明書

畫史

李子安

力本

李子安弓力本俱常熟人善傳神 皇明書畫史

史政 李芳

史政揚州人李芳雲中人俱能寫照 皇明書畫史

許端 書畫史

作端

許端工於畫龍但無蜿蜒飛動之勢 畫史會要

季賓

季賓字汝和紹興人官主事善畫菊花 畫史會要

呂端俊

呂端俊善畫竹 畫史會要

呂敬甫

呂敬甫昆陵人畫草蟲師居寧 畫史會要

朱孟約

朱孟約臨川人善畫蘭蕙竹石 畫史會要

倪宗器

倪宗器江右人善畫蘭 畫史會要

睦坦

睦坦字履道京口人善畫山水 畫史會要

吳歸山

吳歸山善畫花鳥 畫史會要

王元道

王元道越人工於山水 畫史會要

曾沂

曾沂善畫水 畫史會要

沈巽

沈巽字士偁號巽翁吳興人山水宗胡廷輝稍變其法

尤工雜畫 畫史會要

陳九成

陳九成吳興人山水師沈士偁亦工花鳥 畫史會要

沈彥誠

沈彥誠唐人山水宗高房山 畫史會要

夏鼎

夏鼎蘇州人善白描人物亦工山水 畫史會要

梁叔剛

梁叔剛工小景山水 畫史會要

楊雲林

楊雲林工花鳥 畫史會要

鄭山輝

鄭山輝工畫蘭 畫史會要

顧文敘

顧文敘蘇州人山水宗盛子昭 畫史會要

趙友 畫史會要  
作祓

趙友括蒼人工花鳥 畫史會要

高旭

高旭莆田人善畫山水 畫史會要

於竹屋

於竹屋畫墨梅 畫史會要

趙從吉

趙從吉號雲齋善畫墨梅 畫史會要

顧叔潤

顧叔潤常熟人山水學盛子昭 畫史會要

李彬

李彬字文中四明人工寫意人物 畫史會要

張南伯

張南伯工墨梅 畫史會要

陳希尹

陳希尹善寫照亦能畫虎

畫史會要

林森

林森清江人工山水

畫史會要

趙子深

趙子深清江人工山水

畫史會要

謝子德

謝子德工山水兼工花鳥亦能傳神

畫史會要

虞謙

虞謙字伯益

書畫史云號玉雪

金壇人洪武乙亥繇太學生擢刑

部郎仁宗即位拜大理寺卿以詩名於時喜寫山川木

石幽淡簡遠有倪雲林風致

東里集

虞謙詩文政事為世推重家多蓄法書名畫公餘寫金

錯刀竹

畫史會要

衛靖

衛靖字以嘉崑山人官中書舍人善畫枯木竹石

畫史會要

要

陳勉

陳勉字進之

見書家傳

為工部員外郎寫山水初倣王孟端後

法夏珪俱妙

秦嶺交無錫志

謝字

謝字字伯寬號容菴湖廣衡陽人宣德中以中書舍人

直內閣累進工部左侍郎掌通政司事山水法諸大家  
花木鳥獸無不能者皆到妙處

圖繪寶鑑續纂

謝汝明

謝汝明字晦卿號東巖謝字仲子官中書舍人亦善山

水

圖繪寶鑑續纂

何澄

何澄字彥澤江陰人永樂癸未舉於鄉同知蘄州遷刑  
部郎中改文選謫武當宣德間以薦擢袁州牧號竹鶴  
老人工繪事每月出梯牆望平楚蒼茫之景天欲雨扶  
杖登山眺羣峰大江煙雲鬱浮狀然後參以意匠飛灑  
繚緗神韻生動不減房山巨然

江陰志

何澄作梧竹蒲石尤佳

常州志

澄山水宗米元章煙雲滿紙用墨亦佳然未脫去浙中  
之派

畫史會要

盧瑛

盧瑛字克修宣德五年進士工墨竹夏太常每語人吾  
墨竹一派近在玉潤瑛太常壻也終刑部主事

崑山人物傳

張祝

張祝字起韶號賜閒長洲人宣德五年進士官大理評  
事終保定知府工畫竹石

張氏世譜

王田

王田字舜耕山東濟南人以縣佐請老歸田材敏喜為樂府詞膾炙人口遠近傳播山水學高房山不失矩度者

圖繪寶鑑續纂

孫隆

孫隆字從吉

珊瑚網云號都瘴昆陵人

為新安知府作梅花得會稽王冕

筆法

東里續集

孫隆寫禽魚草蟲自成一家號沒骨圖

珊瑚網

黃暹

黃暹字孟東莆田人為祁陽縣儒學訓導善書畫能吟

咏 劉敬祁陽縣志

王超

王超字景昇宜興人衣冠朴雅風致可並古人善畫適意處輒題寫人爭求之 毘陵人品記

葉澄

葉澄字原靜其先吳人畫山水做董北苑戴文進之師也

游居錄

戴進

戴進字文進

圖繪寶鑑云號靜菴又號玉泉山人

錢塘人臨摹精博為本朝畫流

第一宣廟善繪事一時待詔有謝廷循倪端石銳李在

皆有名及進入京眾工妒之一日仁智殿呈畫進首幅

為秋江獨釣圖一紅袍人垂釣水次畫家惟傳紅色最

難而進獨得古法廷循曰此畫佳甚恨野鄙耳宣廟叩

之對曰紅品官服色也用以釣魚失大體矣宣廟頷之  
遂揮去餘幅不復閱放歸以窮死死後而人始重之

山藏

戴進山水得諸家之妙天率摸擬李唐馬遠居多神像  
人物走獸花果翎毛俱極精緻而神像之威儀鬼怪之  
勇猛衣紋設色重輕純熟亦不下於唐宋先賢也至於  
臨仿舊人而無款者法眼觀之莫辨真偽此能品也

繪寶鑑續纂

戴進喜作蒲萄以配鈎勒竹蟹爪草奇甚

同上

戴進畫尊老用鐵線描間亦用蘭葉描其人物描法則  
蠶頭鼠尾行筆有頓挫蓋用蘭葉描而稍變其法者自

是絕技遠出南宋以後諸人之上山水師馬夏者亦稱  
合作乃院體中第一手

何良俊四友齋叢說

戴泉

戴泉字宗淵進子山水得其家傳

畫史會要

王世祥

王世祥進壻亦善畫稍勝於泉

畫史會要

方鉞

方鉞與戴進同邑學進畫已造闢域惜其早卒評者謂

戴門顏子

名山藏

夏芷

夏芷字廷芳錢塘人從游戴靜菴克勤於學筆力逼其

師 圖繪寶鑑續纂

芷善畫山水風雨圖甚佳

畫史會要

夏葵

夏葵字廷暉芷弟山水人物皆工緻

圖繪寶鑑續纂

仲昂

仲昂杭人親學戴門筆力雄健得意之作亦能亂真

畫

史會要

謝環

謝環字庭循永嘉人知學問喜賦詩吟咏自適善畫師張未起馳名於時永樂中召在禁近宣宗妙繪事供奉之臣特獎重庭循恒侍左右進官錦衣千戶

東里續集

謝廷循山水宗荆浩關仝米芾

畫史會要

倪端

倪端字仲正善畫道釋人物山水宗馬遠亦工花卉

畫

史會要

石銳

石銳字以明錢塘人畫得盛子昭金碧山水界畫樓臺及人物皆傅色鮮明溫潤名著於時

圖繪寶鑑續纂

李在

李在字以政莆田人山水細潤者宗郭熙豪放者宗夏珪馬遠多摹倣古人筆氣生動四方貴其尺縑宣廟時與戴文進謝庭循石銳周文靖同待詔直仁智殿

閩畫記

李在自戴文進以下一人而已有夏禹開山治水圖傳

世 畫史合要

周文靖

周文靖閩人善山水蒼潤精密筆力古健醞釀墨色各臻其妙山水學夏珪吳鎮人物花卉竹石翎毛樓閣牛馬之類咸有高致宣德間以陰陽訓術徵直仁智殿御試枯木寒鴉第一授大庾縣典史歷官鴻臚序班

閩書

周鼎

周鼎文靖子亦善畫徵襲錦衣衛鎮撫

閩書

馬軾

馬軾字敬瞻嘉定人明天文宣德中仕欽天監刻漏博

士旁精繪事與戴文進謝廷循同擅畫名於京師

吳中人

物志

馬軾畫宗郭熙高古有法

列朝詩集

商喜

商喜字惟吉善山水人物畫虎得其勇猛之勢宣廟中授錦衣衛指揮

畫史合要

商喜山水人物花木翎毛全摹宋人筆意無不臻妙超出眾類故明初士林之所首重也

圖繪寶鑑續纂

商祚

商祚字天爵喜孫能世其學

圖繪寶鑑續纂

韓秀實

韓秀實涿州人與商惟吉同被寵渥人物亦佳尤善畫馬畫史會要

林廣

林廣廣陵人山水人物學李在得瀟灑活動之趣圖繪寶鑑續集

陳景初

陳景初號草庭海鹽人善繪事與錢塘戴文進同時筆法亦類之蒼老可愛海鹽圖經

陳鳳

陳鳳景初孫尤善李伯時白描海鹽圖經

陳璣

陳璣字天器初受業陳景初後游錢塘故家多戴進名蹟由此入悟所繪山石雲樹各成一家尤工寫照海鹽圖經

楊子英

楊子英傳陳璣術亦有名海鹽圖經

鄭時敏

鄭時敏將樂人善山水宣德間應召至京稱旨官錦衣衛鎮撫延平志

衛鎮撫

鄭文英

鄭文英延平府志云工人馬學趙承旨頗得其大略閩畫記

張士達

張士達長樂人善龍虎蘆雁用墨設色俱入神妙

閩畫記

林輔

林輔字叔弼長樂人張士達授以筆法山水花竹龍虎

蘆雁皆臻其妙

閩書

鄭克剛

鄭克剛福清人善人馬得韓幹趙仲穆筆法宣德間徵

入京師賜御畫

福建通志

陸宣

陸宣字廷旬華亭人號節菴能詩善畫尤長於傳神山

水不甚工而清淡蕭散無塵俗氣一時名人多與遊

松江志

顧應文

顧應文號石泉松江人善畫人物山水尤精釋道像脫

去習氣識者貴之宣德中徵至京未幾謝病歸

松江志

張渙

張渙字文甫號雲心秀水人畫宗趙千里趙松雪石銳

諸家種種逼真

鄒衡嘉興志補

滕杲

滕杲字宏甫嘉善人性恬靜不慕仕宦以筆墨自娛山

水花木妙絕

時嘉善志

莫藏

莫藏字用行號佩觿更號素軒海鹽人

見書家傳

作墨花清潤

可喜

張寧方洲集

莫藏善繪花木禽魚水仙

海鹽圖經

壺敏

壺敏字中行嘗乘舟玩水號浮瀾先生宣德時人能詩

平畫山水草蟲

張園真魚青文獻

曹侃

曹侃字仲雍號竹齋烏程人永宣間人善畫山水竹石

湖州志

張錦

張錦慶陽衛人能畫

慶陽府志

張鐸

張鐸錦之弟為兒時見其兄作畫即領悟長遂以畫名

家畫翎手尤精

慶陽府志

許宏

許宏字宗道建安人隱於醫又工詩文寫山水花卉皆

臻其妙

劉瓛建寧府志

俞鵬

俞鵬字漢遠上虞人善畫游兩京名重公卿間性耿介

其畫亦不易得興至乃寫

畫史會要

劉瑜

劉瑜字尚美號西崖全椒人

見書家傳

善水墨山水氣韻生動

有天然趣

田擬全椒志

周永新

宣宗時人

王直題其所畫山水云括蒼周永新作畫有

奇趣京師為我寫此圖髣髴鄉園昔游處

抑菴集

周璿

周璿善畫松楊士奇題其所畫障子云當代畫松誰最

精王紱卓迪俱有名兩生以來鮮繼者鳳池周璿新得

名東里續集

蘇季雅

蘇季雅閩人善畫菊

東里續集

雷濟民

雷濟民

宣宗時人

杜瓊題其畫云蜀中有士雷濟民天機之精

如畫亦遠近顧陸得深趣近於馬夏尤相親

東原集

張子俊

張子俊號古淡浙江人由中書舍人至禮部員外郎山

水宗荆關楊文貞公曾以詩求畫云不盡平生山水興

勞君健筆寫幽情

畫史會要

裴日英

裴日英字文璧台人精繪事著色花鳥悉臻其妙墨竹

坡石尤不可及

畫史會要

陳公輔

陳公輔號江材居士吳江人涉獵書史畫山水宗盛子

昭亦能寫照兼工雜迹

皇明書畫史

陳公佐

陳公佐號石泉公輔弟亦能畫山水

畫史會要

聞人紹宗

聞人紹宗畫水墨松檜

畫史會要

曹仲賓

曹仲賓畫九鸞圖傳世

畫史會要

彭舜卿

彭舜卿號素仙長與人畫人物亦工山水

畫史會要

沈誠

沈誠字文實別號味菜居士金陵人喜繪事興到落筆

自成一家

畫史會要

通禮 鄭春 鄭堂

傳禮字公緒與同時鄭春鄭堂皆善禽鳥花木布景染

色三人如出一手

畫史會要

馬俊

馬俊字惟秀號訥軒山水最唐宋人最古雅獨以鬼神

馳名

畫史會要

許昂

許昂字世顯梅花清楚不似

畫史會要

王挹真


書畫史作挹珍

王挹真江右人山水宗二米筆法欠老故傳之者鮮

畫

史會要

佩文齋書畫譜卷第五十五



佩文齋書畫譜目錄

第五十六卷

畫家傳十二

明

程南雲

金湜

趙敏

張璞

陳助

金潤

蘇鉦

朱紳

朱暕

詹滌

俞山

莫勝

張翔

温良

顏宗

聶大年

任道遜

唐宗祚

杜瓊

馬愈

沈恒吉

陳寬

黃諫

黃璨

張祐

張寧

李叔義

沈政

劉珏

徐有貞

沈貞吉

周琇

岳正

姜立綱

柳楷

張祿

顧翰

陳騏

江濟

王謙

王應奇

陳錄

陳英

王撫

林良

林郊

計禮

孫龍

陳瑞

劉鑑

鍾雪

何寅

陳宣

桑榮

陳頤

朱重光

陸灃

任材

書目錄

張繼

吳純

鄭麟

楊埴

袁璘

劉俊

錢世莊

楊體秀

盧東牧

周頌

陳獻章

徐傑

馬盛

鄭環

胡齡

張倫

史旦

徐文珍

沈鳴遠

陳叔謙

沈奎

姚黼

姚綬

史琳

楊榮

陳大章

張泰

陳晦

陳鋼

盛安

陸寬

李孔修

王佑

蔣文藻

吳理

華清

陶成

成性

朱崇儒

莫懋

支鑑

朱應祥

陳謙

吳偉

張路

朱勤慤

邵文恩

張翬

林時詹

詹林寧

王瑛

張天瑞

沈周

雷鯉

李著

朱春亭

施雨

沈政

張乾

許伯明

于玉川

艾方師

邵南

沈翽

吳麟

王綸

陸文

史忠

陳復

錢仁夫

余泰

毛良

趙式

王一鵬

楊廷端

陳暹

石璞

孫艾

杜堇

陳後

陳伯獻

都維明

魏時敏

詹仲和

蔣貴

裴夔

宋臣

桑華

郭詡

郭岩

葉元靜

瞿杲

錢祖

蕭完

呂紀

胡昺

呂文英

馬時暘

蔣宥

王鳳

張宏儒

鍾禮

汪質

王諤

陳玉

楊節

孫堪

顧璇

王蕃

林紀

史大方

謝賓舉

陳懽

顧培

糜宗伯

張玘

劉進

朱南一

劉鵬

丁文暹

鄧文明

羅績

劉琦

盧朝陽

俞恩

俞舜臣

劉昌叔

歐陽觀遠

蕭公伯

唐寅

周臣

仇英

張靈

周官

祝允明

文徵明

文嘉

文伯仁

陳淳

吳枝

居節

朱朗

徐霖

朱生

吳延孝

朱凱

文彭

文臺

王寵

陳括

錢穀

居懋時

王乾

高鑑

高澂

金璿

沈仕

王朝佐

王延陵

張志淳

陳沂

姚惟芹

張欽

汪龍

黃珍

金琮

樂大護

嚴賓

朱貞孚

李葵

鄭善夫

常倫

崔深

孫天祐

蔣珙

陳鐸

王建極

陳子和

陳穉

吳愛蕉

王潼

張紀

王孟仁

車明輿

邵龍

朱端

曾和

蕭琛

蔡世新

夏美

顧仁效

蔣曉山

董九華

吳雪崖

瞿汝臣

張靖

孫玘

孫錦

胡大年

王尚賢

劉志壽

李昶

趙丹林

徐柱

伍繁

周全

楊瑗

王彥

孔福禧

姜濟

王世昌

朱銓

朱鑑

姜隱

杜君澤

馬稷

許縉

薛仁

許通


鄒鵬

劉廷敕

毛世濟

黃九霄

姚宗



佩文齋書畫譜卷第五十六

畫家傳十二

明二

程南雲

程南雲字清軒號遠齋

見書家傳

正統中為南京太常卿

列卿記

南雲作雪梅雪竹極佳

畫史會要

金湜

金湜字本清號太瘦生又號朽木居士四明人

見書家傳

寫竹石甚佳其鈎勒竹尤妙官至太僕

圖繪寶鑑續纂

趙敏

趙敏字子聰汝陽人

見書家傳

官吏部郎中工書畫

李本固汝南志

張璞

張璞字廷采別號友山刻志於學躬耕隴畝手一編以自隨工詩善畫正統中為陳州學正改沂州

華亭志

陳助

陳助字賢佐能寫喬柯竹石正統初以薦授桐廬縣丞陞知臨江新淦縣改全溪

崑山大物傳

金潤

金潤字伯玉上元人正統間鄉貢授兵部司務為安南知府致仕於書無不讀精通音律善畫山水

李登上元志

金太守潤工山水神會天出傳世者絕少

金陵瑣事

蘇鉦

蘇鉦字良聲建安人工吟詠善楷書能寫竹石花木山水皆極其妙號竹坡

福州府志

朱紳

朱紳字孟端建水人嗜詩文工書畫

張繹臨安府志

朱暕

朱暕字宣仲建水人能詩工書畫都督沐璘重禮之

臨

安府志

詹崇

詹崇字子源浦城人善畫竹菊正統中貢入太學官潮州教授

閩書

俞山

俞山字積之號梅莊秀水人

見書家傳

正統中為吏部侍郎工

墨梅

呂原文懿公集

莫勝

莫勝字景剛別號悅清華亭人正統六年歲貢仕止虎

賁左衛經歷雅工書畫尺牘流布為好事所珍嘗有繪

魚獻之英廟亟蒙褒賞

莫如忠崇蘭館集

張翔

張翔字元龍崑山人

見書家傳

正統初用薦授按察司照磨終

瀘州知州間作喬柯竹石方尺之紙具有生韻

崑山人物傳

溫良

溫良字元善號敬齋晉江人

見書家傳

正統丁卯舉於鄉官中

書舍人嗜六書兼精畫筆

閩志

顏宗

顏宗字學淵南海人永樂癸卯舉於鄉知邵武縣景泰

中擢兵部主事轉員外郎善畫山水為世所重一時名

畫若林良猶遜之

劉元南海縣志

張寧

張寧字靖之號方洲海鹽人

見書家傳

官汀州知府書畫皆有

名

畫史會要

寧早智過歸養高澗壑聲寫煙月繪漆林丘片楮有傳

藝苑爭寶

海鹽縣志

李日華云張黃門靖之先生負海內重名與時不能俯

仰拂衣早退性喜繪事不輕與人點染余少時曾見其  
海天落照石梁飛瀑二幀極詭麗奇偉之致近又見李  
白看廬山瀑布圖泉壑樹石縱橫森布一唐帽紅衫人  
仰面掀鬚豪態溢知有傾河倒峽之氣鬱盤於胃  
也抑先生假以自寓乎余但有其一小幀一老維舟倚  
樹筆法類子昂而特饒安逸耳

紫桃軒雜綴

聶大年

聶大年

列朝詩集  
云字壽卿

臨川人

見書  
家傳

景泰間用薦起為仁和訓導

姜南蓉塘詩話

大年詩文書繪世皆珍秘之

臨川志

大年山水宗高房山落墨不凡頗得清淡之趣

畫史會要

李叔義

李叔義字文宜閩人為廣昌訓導選南御史終貴州僉  
事工詩善丹青

閩書

任道遜

任道遜字克誠瑞安人

見書  
家傳

官至太常寺卿直文華殿善

寫梅

圖繪寶鑑續纂

沈政

沈政字行之雲南通海人景泰四年領鄉薦任太常寺  
卿善圖畫有宋宣和筆意

臨安府志

唐宗祚

唐宗祚海鹽人善傳神景泰時人

海鹽圖經

劉珏

劉珏字廷美號完菴長洲人見書家傳官山西按察僉事山水

出王叔明王世貞吳中往者像贊

劉廷美畫山水煙嵐草樹絲縵幽迥有董巨餘意祝允明

蘇材小纂

僉憲劉公寫山水林谷泉深石亂木秀雲生繇密幽媚風流藹然高者攀鱗巨老庶乎升堂特未入室耳丹青志

劉珏以書畫顯天順間同時杜瓊徐有貞馬愈沈貞吉

恒吉並能寫山近世莫及清河書畫舫

杜瓊

杜瓊字用嘉見書家傳家吳城之樂圃里好為詩間喜畫山水

人物故其詩於評畫尤深世稱東原先生又稱鹿冠道人震澤集

震澤集

杜瓊明經博學家貧道尊貞澹醇和粹然為丘壑之表

畫亦適麗效南唐董北苑丹青志

徐有貞

徐有貞字元玉以復辟勲封武功伯見書家傳山水清勁不凡

清河書畫舫

馬愈

馬愈字抑之嘉定人官刑部主事人號為馬清癡見書家傳畫

登逸品清河書畫舫

沈貞吉 沈恒吉

沈貞吉字南齋弟恒吉號同齋列朝詩集云同齋石田先生之父也相城故家

皆工唐律兼善繪事每賦一詩營一障必累月閱歲乃

出不可以錢帛購取故尤以少得重家庭之間自相唱

酬下至僕隸悉諳文墨並年八十餘楊循吉吳中往哲記

貞吉恒吉皆善繪素貌人畜王絕劉鳳續吳先賢讚

沈貞吉恒吉二處士並善丹青風格明秀壘篔相映時

謂趙文敏同流恒吉之畫師杜徵君丹青志

貞吉畫師董源可亞劉廷美其弟恒吉更虛和瀟灑不

在宋元諸賢下第其遺跡絕少故不為世所知清河書畫舫

### 周琇

周琇字公瓚長洲相城人學詩於沈隱君貞學畫於小

隱君恒祝氏集略

### 陳寬

陳寬字孟賢檢討嗣初之子沈貞吉兄弟學於嗣初石

田又受業於孟賢吳中稱經學者皆宗陳氏列朝詩集

陳寬善畫與杜瓊劉珏沈貞吉恒吉馬愈名品相同文

伯仁五峰山人集

### 岳正

岳正字季方別號蒙泉灤縣人見書家傳英宗時直內閣出知

興化府嘗戲畫葡萄遂稱絕品懷麓堂集

### 黃諫

黃諫字廷臣高郵人徙置蘭州見書家傳天順中為侍講學士

工詩善書旁及宋元畫家吮豪運思一一臻妙能對鏡寫真列卿紀

黃諫在翰林能各體書尤精繪事館中壁舊寫白菜其上題者先後數百人一日祀眾共惋惜諫一一書之并繪白菜如舊畫史會要

姜立綱

姜立綱字廷憲號東谿永嘉人見書家傳天順中授中書舍人

累官至太常少卿畫得黃子久家法畫史會要

姜太常立綱世傳其楷法嚴整未嘗知其善畫余偶得其一幅蕭疎聳秀全以黃鶴山人為宗特筆意稍未化耳六研齋筆記

黃璨 柳楷

黃璨字蘊蘇柳楷字文範號萬竹山人俱永嘉人與廷憲同直內閣書畫並皆佳妙圖繪寶鑑續纂

張祐

張祐字天吉鳳陽人爵襲隆平侯名山藏云天順二年嗣為人和易如

儒者作梅花清氣逼人圖繪寶鑑續纂

天吉志尚高潔所至有花木水石之娛而尤以墨梅重一時程敏政篁墩集

張祿

張祿字天爵祐從弟亦世其爵梅花有其兄之妙圖繪寶鑑續纂

顧翰

顧翰字維周號雪坡道人夏國公成曾孫也父興祖嗣鎮遠侯翰當嗣固遜其弟好讀書工繪事有吳仲圭米元章倪元鎮風而自得於繩墨蹊徑之外嘗作戲墨十七幅或曰雪坡道人或曰雪廬中人或曰雪或曰維周或曰怡樂不署姓名

李維禎大泌山人集

陳騏

陳騏字夢祥南海人工畫能醫登天順丁丑進士拜大理評事終雲南副使

黃佐廣東通志

江濟

江濟字汝楫本姓鄭浮梁人天順乙卯舉雲南鄉試歷

官同知善山水

周起元浮梁縣志

王謙

王謙字牧之號冰壺道人作梅花清奇可愛天吉之師也

圖繪寶鑑續纂

王應奇

王應奇謙子作梅得家傳

圖繪寶鑑續纂

陳錄

陳錄字憲章以字行號如隱居士會稽人善墨梅松竹蘭蕙筆意儒雅與王牧之齊名評者以二家雖格意不同憲章筆力實過牧之

畫史會要

陳英

陳英錄子作梅亦佳

畫史會要

王撫

王撫字思存姑熟人能詩畫天順間至臨安因愛山水之勝乃攜家寓居焉

臨安府志

林良

林良

畫史會要云字以善

廣東人善畫花果翎毛官錦衣指揮

名山藏

林良放筆作水墨禽鳥樹木皆適勁如草書人皆不及

圖繪寶鑑續纂

林郊

林郊字子達良之子也擅水墨翎毛詔取天下畫工郊考第一授錦衣衛鎮撫直武英殿

廣東通志

計禮

計禮字汝和

書畫史云號懶雲

浮梁人天順進士選庶吉士才藝

辨洽終刑部郎中善寫菊

汪宗伊浮梁縣志

天順中語云林良翎毛夏昶竹岳正葡萄計禮菊禮畫

筆皆草書法

顧清東江集

孫龍

孫龍

與林良同時

王世貞云良取水墨為煙波出沒鳧鴈曉唼

容與之態頗見清澹而無神采同時有孫龍者尤甚

藝苑卮言

苑卮言

陳瑞

劉鑑

鍾雪

陳瑞劉鑑鍾雪與林良同時瑞以驢名鑑以松著雪以

春草稱皆不及良名之盛 廣東通志

何寅

何寅 與林良同時 官知府善人物 廣東通志

陳宣

陳宣嘗臨趙松雪五馬圖為武功伯徐有貞所稱賞 畫

史會要

桑榮

桑榮字文耀常熟人為諸生善病絕意進取性嗜竹時

寫竹寄興 常熟志

陳頤

陳頤字克養蘇州人山水人物花草皆能 書史會要

朱重光

朱重光浮梁人以貨選任經歷善畫喜鵲數十年後有

彭生者粘於壁鵲忽鳴噪其妻怪而焚之 周起元浮梁縣志

陸灃

陸灃興化人善畫魚 興化志

任材

任材善水墨禽鳥松竹有林良夏景過庭章之風 興化志

張繼

張繼燕山人宣英時名手也有畫釋迦授記慈尊聖會

圖及兜率院天內院三圖皆瑰麗侈貴之觀 弇州續集

徐傑

徐傑未詳其居里嘗官御史畫墨梅皇明書畫史

吳純

吳純字正希東陽人官至中書舍人能傳神皇明書畫史

馬盛

馬盛建水州人能詩善畫張繹臨安府志

鄭麟

鄭麟福清人以畫名於時八閩通志

鄭環

鄭環麟子世其家學八閩通志

楊塤孤樹哀談  
作楊理

楊塤字景和善以彩色漆作屏風器物極其精巧皆以

泥金書題於上由其能書畫也圖繪寶鑑續纂

楊塤以髹筆妙繪漆凡屏几器具上山水人物花鳥無不精絕即古來名畫手莫能過也汪柯玉珊瑚網

胡齡

胡齡善水墨禽鳥宗林良畫史會要

袁璘

袁璘字廷器善人物鬼神畫史會要

張倫

張倫字秉彝善人物鬼神畫史會要

劉俊

劉俊字廷偉人物山水俱佳畫史會要

史旦

史旦 嵯人畫禽鳥甚精所為蘆花羣鴈率愛重之 畫史會要

錢世莊

錢世莊 嵯人土畫驢色態飛動如生 畫史會要

徐文珍

徐文珍 豫章人張元弼題其筠窗圖云此君何可一日

無徐君為繪筠窗圖 畫史會要

楊體秀

楊體秀 江右人善畫蘭蕙竹石 畫史會要

沈鳴遠

沈鳴遠 錢塘人工畫釋道神像名品入妙流輩罕及 杭州志

盧東牧

盧東牧 錢塘人工畫雲山雪景清潤不俗 杭州志

陳叔謙

陳叔謙 武林人玩古器識名畫其價值纖毫不爽畫學

倪雲林 杭州志

周頌

周頌 字宗盛 鄞人仕為廣東幕僚年五十餘即解綬居杭善寫春草蘭竹盎然有生意可愛 杭州志

沈奎

沈奎字士榮杭人花果翎毛學王若水傅色鮮麗可愛

杭州志

陳獻章

陳獻章字公甫號石齋廣東人見書家傳隱白沙村講性命之

學徵授翰林簡討善墨梅畫史會要

姚黼

姚黼字廷章別號松雲姚綬父見書家傳能寫山水姚氏世刻

姚綬

姚綬字公綬嘉興人見書家傳官監察御史出知永寧號丹丘

生又號穀菴子雲東逸史善圖畫屠應竣姚先生集序

穀菴雅工翰劄出其緒餘為圖畫亦在逸品甫田集

姚綬畫初學水墨後進學唐品得古意楊備古松壽堂集

姚綬畫法吳仲圭圖成或售於人遂厚價返收之其自

重如此圖繪寶鑑續纂

姚雲東喜臨摹其臨趙松雪王叔明二家墨氣皴染皆

妙間寫梅道人竹石亦瀟灑可愛四友齋叢說

姚雲東小景好作沙坳水曲孤釣獨吟其闊幅重林遠

汀著四五漁船而已此公壯歲入中臺不及攬轡驂鸞

晚年好道向平之願早畢三山五嶽之履懸而未試直

以逸趣自寫胸中而已未可以文沈作略槩之也六研齋

筆記

蔣文藻

蔣文藻書畫步趨丹丘有酷肖者所作叢竹老木尤蒼勁有致

六研齋筆記

史琳

史琳字天瑞餘姚人成化丙戌舉進士授工科給事中弘治中為右都御史贈太子太保博聞多藝尤工墨竹有求者無貴賤皆欣然應之

國朝記

吳瑄

吳瑄字元玉吳江人成化己丑進士拜南京工部主事歷負外郎中性好學詩文未嘗屬草又善畫

吳江志

楊榮

吳瑄山水法戴文進

金陵瑣事

楊榮字時秀餘姚人見書家傳成化壬辰進士善寫竹清風爽籟如其為人

分省人物考

華清

華清應城人成化八年進士為蘇州府推官工書畫善吟咏

馬倫德安府志

陳大章

陳大章字明之號月隴盱眙人官至太僕少卿菊花有雲湖之妙

圖繪寶鑑續纂

陶成

陶成字孟學號雲湖仙人寶應人中應天府鄉試以事不果會試天性落魄然多才藝畫山水多用青綠尤喜

作鈎勒竹兔與鶴鹿皆妙由其胸中灑然也

圖繪寶鑑續纂

成隨意作山水花鳥人物逼肖南宋人得其畫者奉為拱壁嘗寓某氏園芙蓉甚茂繪十數紙付主人主人出銀杯以贈成怒索畫盡焚之

寶應志

張泰

張泰字國泰成化癸卯舉人為臨湘知縣有聲學王紱畫出畦徑之外嘗作水北山莊圖邵寶題其上有云近來善學孟端畫眼中吾許張臨湘

無錫志

成性

成性字大章成化中貢官教諭工山水人物風度瀟灑筆法出范寬夏珪之間號草亭

無錫志

陳晦

陳晦字待徵莆田人成化丁未進士官江西參政以忤劉瑾致仕善寫山水為時所重

閩畫記

朱崇儒

朱崇儒字輝之號憶雲善水墨人物山水草率揮豪略不介意自得天趣之妙

嘉興志補

陳錮

陳錮字堅遠號遲宜子鄞人徙南京成化時官長沙通判善畫蒲桃

江寧志

莫懋

莫懋字雲樓無錫人任俠有勇力壯歲折節讀書游賢

豪長者間畫法郭熙高克恭晚作一松巨石圖最自愛  
賞令王仲儀貌已像於松下無錫志

盛安

盛安字行之號雪蓬善寫梅花萱草竹石

江寧縣志

支鑑

支鑑字汝同崑山人

見書家傳

戲作叢篠澗蒲蒼翠如滴一時

寫生家爭傳寶之

崑山人物傳

陸寬

陸寬善畫竹李東陽詩云江南陸郎瘦於竹種竹城東

玉河曲近從畫竹得篆法坐對涼陰刻寒玉

懷麓堂集

朱應祥

朱應祥字岐鳳號玉華外史松江人

見書家傳

草書為時重寫

竹尤奇

圖繪寶鑑續纂

李孔修

李孔修字子長粵人也好周易善詩畫與陳獻章游破

廬敗甑蔬食不贍朱嘗出戶或出遠近環視以為奇物

兒童婦女皆稱子長先生

名山藏

子長作詩寫字自為一家或觀眺山水間歸而圖之見

者爭愛而酬之曰李子長畫云

霍韜潤崖集

孔修所寫禽鳥嘗遇火輒見有物從煙火中飛去寫貓

能屏鼠

黃登嶺南詩選

陳謙

陳謙字士謙號訥菴逸人書畫皆學趙松雪

圖繪寶鑑續纂

王佑

王佑字彥貞建陽人

見書家傳

善墨竹別號玄谷道人

楊德政建

陽縣志

吳偉

吳偉字次翁江夏人畫山水人物蒼勁入神品憲宗召授錦衣衛鎮撫待詔仁智殿偉好劇飲命妓人欲得偉畫者則載酒攜妓往一日被詔正醉中官扶掖入殿中上命作松泉圖偉跪翻墨汁信手塗抹上歎曰真仙筆也孝宗命畫稱旨授錦衣百戶賜印章曰畫狀元

名山藏

吳偉齡年收養布政錢昕家侍其子於書齋中便取筆

畫地作人物山水狀弱冠居金陵其畫遂入神品

顧元慶

夷白齋詩話

成化中成國朱公延偉至幕下以小仙呼之因以為號嘗遊杏花村酒渴從老嫗索茗明年復過之老嫗已謝世援筆追寫其像其子見之大慟不已乞而藏之又嘗飲友人家酒間作畫戲取蓮房濡墨印紙上數處莫測其意忽起縱筆揮灑成捕蟹圖最為神妙

江寧府志

吳偉作山水落筆健壯白描尤佳觀者自然起興

圖繪寶鑑續纂

鑑續纂

吳偉畫人物出自吳道子縱筆不甚經意而奇逸瀟灑動人山水樹石俱作斧劈皴亦大適緊宜畫祠壁屏障

間至於行卷單條恐無取也 藝苑卮言

吳偉臨繪用墨如潑雲旁觀者甚駭俄頃揮灑巨細曲

折各有條理若宿構然 梁維樞玉劔尊聞

### 張路

張路 畫史會要云號平山 大梁人學戴進學顧進於神鬼佛像尤多

乃不足貴而路繪人物兼有吳偉焉 名山藏

張路見吳道子人物最鍾愛之遂以善畫鳴於汴筆力

蒼勁山水鳥獸花卉兼工 祥符志

傳吳偉法者平山張路最知名然不得其秀逸處僅有

道勁耳北人重之以為至寶 藝苑卮言

### 朱春亭

朱春亭宗室受業於張路畫盡得其傳 祥符志

### 朱勤懸

朱勤懸工書畫與春亭並鳴於世 祥符志

### 施雨

施雨泗州人寓梁園善畫與張平山爭鳴號石泉 祥符志

### 邵文恩

邵文恩字仁甫工山水師法北苑古雅可觀累官尚寶

卿 閩書

### 沈政

沈政字以政閩人官至順天府丞直仁智殿工花竹翎

毛 圖繪寶鑑續纂

張翬

張翬字文翥太倉人山水宗夏珪李崆峒歌云張翬有名成化間大塗小抹成山水樹石燥硬筆意古往往人間落片紙

畫史會要

張乾

張乾字惟健太倉人畫宗馬夏得意處人謂過張翬以薦入直仁智殿

太倉州志

林時詹

林時詹興化人長於繪事山水尤精成化初直仁智殿除工部文思院副使

八閩通志

許伯明

許伯明與林時詹同時被召善寫花鳥竹石亦為文思院副使

八閩通志

詹林寧

詹林寧字必泰浦城人自幼酷好丹青弱冠遂精其業繪畫山川樓閣人物之類遠近濃淡縈迴曲折皆出新意天順間召入京師成化改元授工部文思院副使直仁智殿

康莊浦城縣志

丁玉川

丁玉川江右人山水宗馬夏

畫史會要

劉珣題丁玉川畫云彼美玉川子素慕青溪翁遠濃近淡不停手神機所到天然工

劉古直集

王瑛

王瑛字廷輝美容儀工書畫

王宗慶端溪集

艾方師

艾方師

憲宗時人

羅倫贈艾方師歌云有客貌古鬚眉蒼靈臺

倒湛秋天光運筆通神超顧鄭潑墨無迹齊黃王為予

揮灑一峰亭雅懷一段何可當金牛洞府玄雲間分明

移來靜觀堂觀之無厭愛無足此人此畫今無雙變化

無窮香難測妙無言兮紙一張行看應詔賓上國麒麟

閣寫鴻鴈行

羅倫一峯集

張天瑞

張天瑞時人陳璠求張天瑞墨竹詩云竹如老可解傳神

成齋集

邵南

邵南字岐民蘇州人山水宗馬遠

畫史會要

沈周

沈周字啓南世稱之曰石田先生

王世貞云更號白石翁

家長洲之相

城里間作繪事峰巒煙雲波濤花卉鳥獸蟲魚莫不各

極其態或草草點綴而意已足成輒自題其上時稱二

絕先生高致絕人而和易近物販夫牧豎持紙來索不

見難色或作贗作求題以售亦樂然應之近自京師遠

自閩浙川廣無不購求其跡以為珍玩風流文翰照映

一時其亦盛矣

震澤集

石田先生風神玄朗識趣甚高自其少時作畫已脫去家習上師古人然所為率盈尺小景至四十外始拓為大幅粗枝大葉草草而成

甫田集

沈周先生繪事為當代第一山水人物花卉禽魚悉入神品其畫自唐宋名流及勝國諸賢上下千載縱橫百輩先生兼總條貫莫不攬其精微每營一障則長林巨壑小市寒墟高明委曲風趣泠然使夫覽者若雲霧生於屋中山川集於几上下視眾作真培塿耳一時名士如唐寅文璧之流咸出龍門往往致於風雲之表信乎國朝畫苑不知誰當並驅也

丹青志

沈啓南父亦善畫能起雅去俗矣至啓南而造妙凡宋

元名手一一能變化出入而獨於董北苑僧巨然李營丘尤得心印稍以己意發之遇得意處恐諸公未必便過也

藝苑危言

石田繪事初得法於父叔於諸家無不爛熳中年以子久為宗晚乃醉心梅道人酣肆融洽雜梅老真蹟中有不復能辨者

六研齋筆記

石田先生於勝國諸賢名蹟無不摹寫亦絕相似或出其上獨倪迂一種澹墨自謂難學蓋先生老筆密思於元鎮若淡若疎者異趣耳

董其昌畫禪室隨筆

有曹太守者新構察院成欲圖畫其楹廡籍畫史周名在籍中隸攝之周曰毋驚老母旦夕畫不敢後客曰太

守不知公何賤公也謁貴遊可勿往周曰往役義也豈為賤哉謁而得勿往乃賤耳名山藏

沈豳

沈豳字翊南白石翁弟亦善畫

弇州續藁

雷鯉

雷鯉

建寧志云字自波

號半窗山人建安人以詩畫名與沈石田

同時江以西重之比於江左之石田列朝詩集

雷鯉寫山水花草老筆蒼然

建寧志

吳麟

吳麟字瑞卿常熟人性溫謹善清言從沈周游識度開朗宋元名家多所窺倣臨筆尤精畫史會要

沈周題吳瑞卿臨王叔明太白山圖云吳生學丹青不但許能事又題染墨牡丹云吳生又與花傳神紙上生涯春不老石田集

李著

李著字潛夫號墨湖童年學畫於沈啓南學成歸家每倣吳次翁筆以售金陵瑣事

王綸

王綸字理之以字行偉貌修髯喜吟善畫為沈石田入室弟子方鵬崑山志

王理之善寫像沈周有王理之寫六十小像詩石田集

陸文

陸文字汝學性恬退有古高士風嘗從沈石田遊間作小畫善飲既醉題險韻立就常熟志

孫艾

孫艾字世節常熟人學詩於沈石田兼工繪事初學黃子久晚好主叔明所居有園亭水石之勝在琴川西自號西川翁常熟志

史忠

史忠字廷直號癡翁本姓徐名端本又號癡癡道人金陵人善畫似方方壺長於雲山圖瀟灑不羣其山水樹石縱筆揮寫不拘家數書史會要

癡翁嘗訪沈石田於吳門沈他出堂中有素絹潑墨成

山水巨幅不通名姓而出石田曰必金陵史癡也要之歸留三月而別江寧志

史癡喜畫山水人物花木竹石有雲行水湧之趣不可以筆墨畦徑求之金陵瑣事

杜堇

畫史會要作陸堇云始姓杜

杜堇字懼男有樗居古狂青霞亭長之號丹徒人占籍京師善繪事山水人物草木鳥獸無不臻妙由其胸中高古自然神采活動宜乎宗之者眾圖繪寶鑑續纂

堇善白描人物設色山水筆法秀勁

畫史會要

古狂界畫樓閣人物嚴雅深有古意而山水樹石不甚稱亦是白描第一手也花卉頗精雅藝苑卮言

陳復

陳復字啓陽號坦坦居士燕山人詩文清奇尤長作畫山水松石皆有矩度亦精寫照由儒士任鴻臚序班理鑄印局事用薦改國子典簿

大學志云弘治三年任國繪寶鑑續纂

陳後

陳後字啓先號寓齋復弟也詩文書畫與兄齊名用薦任欽天監博士

國繪寶鑑續纂

李東陽博士陳後寓齋銘云少游東南壯居帝京藏修息游於畫是名朝豪暮繅是究是營體物之妙以發我情

懷麓堂集

錢仁夫

錢仁夫字士弘號東湖居士常熟人

見書家傳

官至膳部員外郎畫山水竹石有逸致

常熟志

陳伯獻

陳伯獻字惇賢莆田人弘治己未進士官吏科給事中畫宗古人翩然絕俗

國畫記

俞泰

俞泰字國昌號正齋無錫人弘治壬戌進士仕戶科給事中寫山水絕類黃子久王叔明為入温雅詩文書畫皆似之

國繪寶鑑續纂

都維明

都維明吳人博學多藝務為韜晦偶乘興畫一梅悔曰

有一能當蔽一能何自表暴邪維明南濠先生都穆之父也

畫史會要

毛良

毛良字舜臣號兩山居士爵襲南寧伯

名山藏云弘治七年嗣

北平人

寫山水師米元章雲霞出沒有天然之妙

圖繪寶鑑續纂

魏時敏

魏時敏莆田人少游鄉校以才辟為邑從事謁選除無

錫縣丞復除桃源丞致政里居年八十餘多與名流酬

唱兼工山水

列朝詩集

趙式

趙式字訓夫弘治中為中書舍人遷大理左寺正畫芙

蓉松菊竹兔之類種種清絕每應制揮豪刻時立辨遠近購請無虛旬日

懷麓堂集

詹仲和

詹仲和四明人

見書家傳

學趙子昂吳仲圭寫墨竹亦善白描

畫史會要

王一鵬

王一鵬字九萬號西園野夫華亭人

見書家傳

弘治中以明經

授泰順訓導其畫輒寄興而作天趣蕭疎氣韻生動有

子久叔明仲圭元鎮之風

何三畏雲間志略

一鵬山水學董北苑皴法稍長亦善學黃大癡吳仲圭

有天然之趣

畫史會要

董其昌云王西園為吾郡先輩名流蓋與錢鶴灘同時  
訓唱甚有高韻每遇書畫題詠隨手記錄山水畫亦老  
筆紛披似啓南本色寫生拙中有巧非時師所能湊泊  
也容臺集

蔣貴

蔣貴號青山儀真人宗吳小仙人物逼真山水近似畫

史會要

楊廷端

楊廷端常熟人數試於鄉不利壯遊京師多才藝性尤  
喜飲酒酒中寫竹石最得夏玉峰筆法一時若孫太傅  
袁錦衣爭遣僕馬迎致之盤礴揮灑酣歌淋漓鮑翁家藏

集

裴奭

裴奭字師名以能詩名兼工繪事寫竹尤佳程篁墩學  
士有贈寫竹裴生詩畫史會要

陳暹

陳暹字季昭畫史會要云號雲樵吳縣人藝畫六十年非古人無師

非定見無發若限而不滯若質而有味亦藝之成者性  
氣慤簡不喜親世事寡出庭戶仕者請畫多不予弘治  
初年八十詔賜冠帶懷星堂集

季昭善設色山水人物吳縣志

季昭山水始學陳公輔後變舊習自成一家若臨做古

人真履難辨

畫史會要

李原德曰友人問余以吳中丹青名家余稱相城翁為最又欲一一次第數之間余稱陳公季昭怪謂未聞此人也余笑謂之曰陳公在當時雖以丹青垂名六十年然不喜親世事所莫逆者惟杜東原先生宜乎今世莫之稱也祝枝山曾誌其墓甚稱說之周東村臣與季昭同居郡城為鄰因通贖請業傳其法以名世東村又以其業傳仇英

戒菴漫筆

宋臣

宋臣號二水字子忠秣陵人善山水人物

畫史會要

臣畫山水人物遠宗馬遠李唐近倣戴進吳偉臨摹極

妙宋元名筆皆能亂真

江寧府志

石璞

石璞字元素崑山人

見書家傳

性倏然不樂仕進寫竹石寄意

筆興閑放

崑山人物傳

桑華

桑華常熟人攻詩冲澹有逸思畫善墨竹

常熟志

郭詡

郭詡泰和人也自號清狂少從事學官弟子業稍試遂去而體極其能於畫遍歷名山曰豈必譜也畫在是矣同時江夏吳偉北海杜堇姑蘇沈周俱以畫名莫不延頸願交天下競傳清狂畫購之百金有貴人欲多得詡

畫翫瞠目數屋梁不對固索輒踉蹠狂趨叫鼻跳號去  
弘治中徵天下善畫者應詔京師宸濠名與語輒辭謝

之往依王守仁獻畫題詩以見志

名山藏

郭詡善雜畫信手作人物輒有奇趣

吉安府志

郭岩

郭岩

詡姪

能傳其業

書史會要

葉元靜

葉元靜

與郭詡同時

燕人亦善畫其遁跡類詡

名山藏

瞿杲

瞿杲字炳暘常熟人嗜酒落魄自號醉漁畫花鳥有名  
蘆鴈入高品亦能詩後隱於澄江之龜山

蘇州志

錢祖 蕭完

錢祖蕭完與瞿杲同里杲以藝傳之祖性趣類杲蘆鴈  
亦佳完次之

蘇州志

呂紀

呂紀

韓昂云字廷振

鄞人攻翎毛間作山水人物厲志漢唐以來

名筆兼集衆長弘治中應例入御用監益造精詣凡草

木花鳥生意流動泉石波景點染煙潤有造化之妙陞

至錦衣衛指揮應詔承制多立意進規孝宗嘗稱之曰

工執藝事以諫呂紀有之

名山藏

紀為禽鳥如鳳鶴孔雀鴛鴦之類俱有法度生氣奕奕

當時極貴重之

藝苑卮言

胡昂

胡昂

畫史會要云胡昞孫

字景明號松軒嘉善人善畫工詩及寫真

弘治間以畫士取入京師因病歸更號雪蕉道人

嘉興志補

呂文英

呂文英括蒼人工繪事孝宗朝以指揮同知直祕殿

顧

起元熾真草堂集

孝宗朝畫士呂紀以翎毛呂文英以人物皆被寵渥人

呼文英為小呂

謝肇淛居東集

馬時暘

馬時暘名暄以字行幼穎悟博通經史兼善丹青孝廟初徵入華蓋殿供御授錦衣衛鎮撫

紹興志

蔣宥

蔣宥字朝恩常熟人善畫人物弘治中都御史朱瑄薦入京應制寫御容

畫史會要

王鳳

王鳳字舜儀師於蔣宥亦精人物兼工雜畫筆有逸思

畫史會要

張宏儒

張宏儒與王鳳同時畫學趙千里

常熟志

鍾禮

鍾禮字欽禮上虞人精繪事弘治中直仁智殿

徐待聘上

虞縣志

鍾欽禮善畫雲山草蟲所居門對南山古松蔭翳日箕  
踞其下玩峰巒雲氣之變遇得意輒起奮筆李空同題  
其畫云鍾生始學戴文進後來頗自出機軸

畫史會要

汪質

汪質字孟文浙人流寓南京山水專師戴靜菴但用墨

太濃耳

金陵瑣事

王諤

王諤字廷直奉化人嘗師里人蕭鳳盡其術乃肆力於  
唐宋名家凡奇山怪石古木驚湍之類盡摹其妙孝宗  
好馬遠畫亟稱曰王諤今之馬遠也官錦衣千戶

寧波志

墨而無四面枝榦叢生疎密之意

七修類藁

陳玉

陳玉弘治間居海寧塔下善畫山水

七修類藁

楊節

楊節字居儉餘姚人

見書家傳

弘治末以善書直內殿為序班

畫菊有草書法

紹興志

孫堪

孫堪字伯子善畫菊初受法於舅氏楊節晚年乃時出  
新意性本愛菊所居輒種菊日夕玩之故畫每得其神  
其畫格亦與眾別

紹興志

顧璇

顧璇字良玉無錫人其祖從戎貴陽遂家焉不求聞達  
善吟咏精於繪事郭子章點記

王蕃

王蕃思南人自號十瓢齋見書家傳善寫梅點記

林紀

林紀字廷肅閩人知石城縣工畫山水能詩每尺幅題  
詠人競寶之閩書

史大方

史大方工山水謝子象題其畫云朱橋畫舸繫神都翠  
篠黃茆覆酒壚好似石頭城外景隔溪歌舞莫愁湖金陵瑣事

謝賓舉

謝賓舉字子隱人物步驟戴靜菴具體而微畫畢其兄  
子象即題詩於上其略云圖成便索老醜作每幅空處  
題一篇我詩借君畫增價君畫資我詩並傳金陵瑣事

陳慥

陳慥黃巖人善醫工墨梅畫叢集

顧培

顧培字起元崑山人見書家傳善寫竹崑山人物傳

糜宗伯

糜宗伯吳江人以醫顯能詩善墨梅松陵文獻

張玘

張玘孝宗時人弘治十二年十二月兵部尚書馬文升奏張玘輩繪技畫工何至槩授武職全註錦衣徑准襲替名山藏

劉進

劉進善畫魚李東陽詩云魚為水族類最稠近時畫手安成劉生綃如雲筆如雨恍惚變態不可求懷麓堂集

朱南一

朱南一字德修休寧人瀟灑閑逸至老不娶喜畫山水

梅蘭竹石徽州志

劉鵬

劉鵬上虞人官侍郎精於染翰嘗作雲山圖人競珍之畫史會要

丁文暹

丁文暹號竹坡弄筆作墨戲禽鳥枯木頗為精到筆失之弱皇明書畫史

鄧文明

羅績 劉琦 盧朝陽

鄧文明羅績劉琦盧朝陽俱沙縣人善翎毛工巧處似景昭延平志

俞恩

俞恩字天錫錢塘人號江村居士善畫人物花鳥性疎散描染移時輒復中止故所傳不多畫史會要

俞舜臣

俞舜臣字治甫恩子喜觀長流疊嶂號海峰子工山水

人物翎毛花草尤精 畫史會要

劉昌叔

劉昌叔福安人善繪畫其寫貌尤神 畫史會要

歐陽觀遠

歐陽觀遠得劉昌叔筆法亦名世 畫史會要

蕭公伯

蕭公伯泰和人善寫照其染色處可占人榮枯不但肖之而已時有畫師寓邑之普覺寺公伯往事之盡得其法一日汲水故遲至師責之公伯曰適見二鬼鬪因忘歸遂以水畫地作狀師大驚服遂有名 畫史會要

唐寅

唐寅字子畏自號六如吳人戊午試應天府錄為第一人其學務窮研造化於應世文字詩歌不甚措意奇趣時發或寄於畫下筆輒追唐宋名匠四方慕之無貴賤貧富日詣門徵索 祝允明祝氏集略

唐寅畫法沉鬱風骨奇峭刊落庸瑣務求濃厚連江疊嶂灑灑不窮佳士流之雅作繪事之妙詣也評者謂其畫遠攻李唐足任偏師近交沈周可當半席 丹青志

伯虎材高自宋李營丘范寬李唐馬夏以至勝國吳興王黃數大家靡不研解行筆極秀潤縝密而有韻度 藝苑卮言

唐寅山水人物無不臻妙雖得劉松年李希古之皴法

其筆資秀雅青於藍也

圖繪寶鑑續纂

董其昌云唐伯虎雖學李晞古亦深於李伯時故人物

舟車樓觀無所不工

珊瑚網

唐子畏名成而身廢閒居作美人圖好事者多傳之覽

其遺跡未嘗不歎其志之有託也

李如一水南翰記

唐子畏畫師周臣而雅俗迥別或問臣畫何以俗曰祇

少唐生數千卷書

黃奭言提錄

### 周臣

周臣字舜卿

藝苑卮言云別號東村

吳郡人畫山水人物峽深嵐厚古

面奇妝有蒼蒼之色一時稱為作者若夫蕭寂之風遠

澹之趣非其所詣

丹青志

周東村畫法宋人學馬遠者若與戴靜菴並驅則互有所長未知其果孰先也亦是院體中一高手

四友齋叢說

### 仇英

仇英字實父

藝苑卮言云號十洲

太倉人移家郡城畫師周臣而格

力不逮特工臨摹粉圖黃紙落筆亂真至於髮翠豪金

絲丹縷素精麗豔逸無慚古人

丹青志

仇英嘗為周六觀作上林園人物鳥獸山林臺觀旗輦

軍容皆臆寫古賢名筆斟酌而成可謂繪事之絕境藝

林之勝事也

藝苑卮言

仇實父是趙伯駒後身即文沈亦未盡其法

董其昌題仙弈

張靈

張靈字夢晉家與唐寅為鄰兩人志氣雅合茂才相敵又俱善畫以故契深椒蘭靈畫人物冠服玄古形色清真無卑庸之氣山水間作雖不由閑習而筆生墨勁斬然絕塵多可尚者靈性落魄簡習禮文得錢沽酒不問生業嚶嚶然有古狂士之風為郡諸生竟以狂廢丹青志夢晉善小竹石花鳥藝苑危言

朱生 周官

朱生周官

與張靈同時

並攻豪素官畫人物無俗韻然過爾纖

弱稍不逮靈朱生樹石不減唐寅

丹青志

周官善山水於白描尤精絕

藝苑危言

吳延孝

吳延孝

與張靈同時

善花卉而以早逝故少傳世

藝苑危言

祝允明

祝允明字希哲號枝山又號枝指生長洲人

見書家傳

以舉人

授興寧令遷應天府通判

名山藏

汪砢玉云余有枝山義犬記即圖其狀殊肖故知書畫

合一也

珊瑚網

朱凱

朱凱字堯民長洲人與朱性甫齊名人稱之曰兩朱先生祝允明題堯民小筆詩云隱者高居不在城間來搦筆寫平生藤枝策策從何去葑水東頭弔古行

列朝詩集

文徵明

文徵明名璧以字行更字徵仲長洲人號衡山居士貢至京師授翰林待詔性喜畫然不肯規規模擬遇古人妙蹟惟覽觀其意而師心自詣輒神會意解至窮微妙處天真爛熳不減古人

文嘉行略

沈周博學善畫徵明師之得其髣髴益以神采更出周上人稱其兼有趙孟頫倪瓚黃公望之體

名山藏

文先生畫師李唐吳仲圭翩翩入室大圖小軸莫非奇致海宇欽慕縑素山積喧溢里門寸圖纔出千臨百摹家藏市售真贋縱橫一時硯食之士沾脂浥香往往自潤年齡大耋神明不凋斷煙殘楮篝燈夜作故得者益

深保愛奉如珪璋

丹青志

文徵仲遠學郭熙近學松雪而得意之筆往往以工緻勝至其氣韻神采獨步一時

五雜俎

有商人以十金求作畫者公面斥曰僕非畫工汝勿以此污我其人大慙而去凡富貴者來求多靳不與貧交往往持以獲厚利至有待而舉火者

黃佐衡山文公墓志銘

衡山先生在翰林大為姚明山楊方城所窘時昌言於眾曰我衙門不是畫院乃容畫匠處此惟黃泰泉馬西玄陳石亭與相得酬唱甚歡二人只會中狀元更無餘

物衡山數公長在天地間今世豈更有道著姚涑楊維

聰者邪

四友齋叢說

按徵明去官日姚涑有贈行序稱曰衡山先生而深惜其去則叢說所載為誣妄因此語相傳已久仍附傳末特為辨之

文彭

文彭字壽承號三橋徵明伯子也任南京國子博士亦善寫花果

圖繪寶鑑續纂

彭畫蒼鬱似梅花道人

畫史會要

文嘉

文嘉字休承號文水徵明仲子也畫精山水

圖繪寶鑑續纂

纂

嘉畫疎秀似雲林高士

畫史會要

文臺

文臺字允承號祝峰待詔公叔子慷慨豪俠有國士風畫師李龍眠

文氏族譜

文伯仁

文伯仁字德承號五峰

徵明從子

善畫山水人物效王叔明

圖

繪寶鑑續纂

伯仁山水筆力清勁巖巒鬱茂擅名不在衡山之下

畫

史會要

王寵

王寵字履仁後字履吉別號雅宜山人吳縣人

見書家傳

為邑

諸生貢入太學

在世貞吳中往哲像贊

履吉不以畫名偶然興到隨筆點染深得大癡雲林墨外之趣可見高人胸中無所不能

六研齋筆記

陳淳

陳淳字道復又字復甫號白陽文衡山門人也善花卉山水亦淋漓疎爽不落蹊徑

圖繪寶鑑續纂

王世貞曰道復少年作畫亦學元人為精工中歲忽斟酌二米高尚書間寫意而已其於花鳥尤有深趣而淺色淡墨久之漸無矣家弟一日問待詔道復嘗從翁學書畫邪待詔微笑謂吾道復舉業師耳渠書畫自有門徑非吾徒也意不滿之如此

藝苑卮言

陳道復天才秀發下筆超異山水師米南宮王叔明黃子久不為效顰學步而蕭散閒逸之趣宛然在目尤妙寫生一花半葉淡墨敲豪而疎斜歷亂偏其反而咄咄逼真傾動羣類若夫翠辨紅尋葩分蕊析此俗工之下

技非可以語高流之逸足也

丹青志

### 陳括

陳括字子正號沱江道復之子善花卉雷震後人見地橫一枝梅大書沱江二字遂以雷神代筆有仙風焉名遂大振

圖繪寶鑑續纂

括飲酒縱誕有竹林之習畫雖放浪終非俗流  
王世貞曰人謂括之視淳頗足跨竈不若崇嗣之脫骨有愧於熙也

蘇州山人集

### 吳枝

吳枝與陳淳同時寫生祖其筆法

蘇州志

### 錢穀

畫家傳十二

畫

錢穀字叔寶少孤貧失學迨壯始知讀書家無典籍游  
文待詔門下日取架上書讀之以其餘功點染水墨得

沈氏之法

列朝詩集

叔寶先生師文太史授書授詩文皆習至於畫更心通  
曰夫丹青者鎔以神模以天吹噓吐抹纖穠空有之間  
惟吾指筆所向而曾是拘拘意設方置哉於是翩翩不  
名其師學而自騰蹕於梅花九峰石田間其妙處駸駸  
更且度越聲日以起而車轍履跡與文太史中分矣  
馮元成集

### 居節

居節字士貞

李日華云  
號商谷

吳人少從文待詔遊學其書畫待

詔之門人未能或先也畫法簡遠有宋人之風畫家多  
稱之

列朝詩集

居節儻居虎丘屋數椽蕭然自適或絕糧則旦起寫磚  
松遠岫一幅令童子易米以炊

蘇州志

### 居懋時

居懋時節子亦善畫

蘇州志

### 朱朗

朱朗字子朗

珊瑚網云  
號青溪

師文待詔為畫稱入室儻待詔筆

畢肖凡有所作多託待詔名故世知之者少

吳縣志

金陵一人客蘇州遣童子將幣於子朗求徵仲贖本童  
子誤送徵仲宅致主人意徵仲笑而受之曰我畫真徵

仲聊當假子朗可乎一時傳以為笑子朗多作青綠山水峰岫皴法不清樹無搖動之勢板刻之病恐不免耳

畫史會要

王乾

王乾字一清號天峰臨海人以輕墨淺彩作禽蟲花卉間出山石林藪尤妙寒塘野水拍泳之態

畫史會要

徐霖

徐霖字子仁號九峯晚號驊仙金陵人

見書家傳

善畫花卉松

竹蕉石

畫史會要

高鑑

高鑑侯官人

書畫史云字孔明號時菴閩縣人自稱為種菊道人

正德中為清遠教諭

名

山藏

高鑑工水墨山水間出花竹氣韻超逸出人意表子澱世其業而工過之

閩畫記

高澱

高澱字宗呂號石門子又號霞居子善畫家貧嗜酒日酣飲醉則散髮赤脚飄然舉舞又自號驊仙鄉有宋子者瘡一歲弗愈一日澱造問之飲之酒酒酣宋出素請畫澱寫菊數本倒垂懸崖香夢隱隱有飄拂流動之態宋冷然疎爽因再請復寫奇石亭立雙竹凌空蕭蕭數葉風韻若有聞焉宋躍起視之毛髮俱竦是日瘡就差時人語曰少陵有佳句不若霞仙筆

名山藏

高澱工山水花卉人物翎毛用墨濃潤運筆古雅出入  
宋元四大家各造其妙

閩書記

澱畫自取適意不受促迫遇其酣暢以絹素投之雖小  
夫稚子可掩而得也

列朝詩集

金琮

金琮字元玉金陵人自號赤松山農  
人筆意

見書家傳

金璿

金璿字元善號松居精於醫旁及繪事曾寫袁安臥雪  
圖元元玉題

江寧志

樂大護

樂大護字伯聲沙縣人正德間為濟南府經歷博雅有  
文精於墨竹專師夏太常

閩書記

沈仕

沈仕字懋學  
法書名畫朝夕展玩久之有得乃援筆揮灑花卉山水  
風神氣韻殊勝專門

列朝詩集云字子登

號青門仁和人雅好詩翰多蓄古

畫史會要

嚴賓

嚴賓字子寅一字鶴丘與文徵仲交畫小景酷似徵仲

江寧志

王朝佐

王朝佐字邦翰  
晉江人能詩善書畫文徵明見

閩書記云號一江

書畫譜卷五十一 畫家傳十二

四

而賞歎曰此人生於泉州可謂黃金與土同價閩書  
朝佐工山水學董北苑米南宮自成一家閩畫記

朱貞字

朱貞字與文徵明同時為景寧教諭見書家傳書畫兼美名山藏

王延陵

王延陵字子永文恪整季子蔭為中書舍人興寄丹青人得其寸楮尺幅咸寶藏之吳縣志

延陵畫山水筆法俊逸清潤可觀畫史會要

李葵

李葵字誠伯上元人正德五年鄉舉見人繪畫輒能模倣雖百物象貌無不曲盡金陵瑣事

張志淳

張志淳字進之江寧人見書家傳正德中為南京戶部侍郎書

畫咸精造名家列卿紀

鄭善夫

鄭善夫字繼之號少谷閩人見書家傳任祠部郎創意點綴花

草叢篠怪石得象外趣然絕不名其業以此人亦鮮知

者畫史會要

善夫間點染山水松石師法古人不落畫家蹊徑嘗戲

作墨菊大如盆甕自題其上云太華峰頭玉井蓮開花

十丈藕如船世間有此蓮安得無此菊時人珍之閩畫記

陳沂

陳沂字魯南鄆縣人見書家傳六七歲便搦筆模倣古人畫後在翰林與文徵明講論其畫更進凡宦游所歷名山大川皆圖成卷最得馬河中夏禹三之妙金陵瑣事

常倫

常倫字明卿澤州沁水人見書家傳官大理評事能文辭兼工

詩畫萬姓統譜

姚惟芹

姚惟芹字惟誠號東齋綬之孫見書家傳正德戊辰貢入太學

好古帖名畫時時摹寫得意處莫辨其為東齋筆也姚氏家傳

氏家傳

崔深

崔深字靜伯吳江人見書家傳正德中授中書舍人畫梅入品

萬姓統譜

張欽

張欽字士敬祥符人號震齋善山水花竹得古人之風官至都閩寧陽恭靖王懋之長子圖繪寶鑑續纂

孫天佑

孫天佑安國公之孫翎毛蘭竹清致可愛圖繪寶鑑續纂

汪龍

汪龍號潤軒寧波人正德中為金谿主簿精詩畫墨竹花鳥備極生動深得古名家法撫州志

蔣珙

蔣珙字信國溧陽人進士正德中知桐鄉縣工詩畫畫尤珍重官至湖廣按察僉事

桐鄉志

黃珍

黃珍字懷季正德二年貢士官教諭花草有黃筌筆意

江寧府志

陳鐸

陳鐸字大聲下邳人家於金陵以世襲官指揮風流倜儻以樂府名於世山水倣沈啓南

列朝詩集

王建極

王建極字用五

列朝詩集云湖州人

工山水

金陵瑣事

陳子和

陳子和建安人自號洒仙專工人物筆意散逸不墮俗格山巖樹木奇怪蒼潤評者謂在吳偉郭詡之間

閩畫紀

陳穉

陳穉字有實能詩及畫為花鳥入黃筌古紙中幾不辨正德庚辰邵文莊寶乞其萱草圖為母夫人壽見容春

堂集

無錫志

吳愛蕉

吳愛蕉嘉善布衣弘正間人畫法吳仲圭筆意

紫桃軒雜

綴

王潼

王潼字本澄錢塘人陽明先生講道箕山負笈從游工

繪畫善諷詠

杭州志

張紀

張紀字文正海鹽人工士女衣摺矮髻與唐伯虎相上  
下面色淺染三停用積粉法三停謂額鼻頰此古法也  
今畫家不知矣

海鹽圖經

王孟仁

王孟仁字元甫山水清潤有法文徵仲極喜之

金陵瑣事

車明輿

車明輿號莖雲長葛人善畫山水人物尤善畫牛有百  
牛圖世傳以為寶生一月即能言自稱呂紀後身其畫  
不假師授蓋得之天性云

許州志

邵龍

邵龍號雲窩休寧人工畫山水人物妙得唐宋名人法

徽州志

朱端

朱端字克正海鹽人正德間以畫士直仁智殿授指揮  
俸賜一樵圖書遂號一樵畫宗馬遠山石水口效呂紀  
甚為時重

海鹽圖經

朱端畫竹得夏昶法

名山藏

端人物學盛子昭評者以為可做輞川亦善花卉翎毛

畫史會要

曾和

晉和與朱端同時以畫士直仁智殿筆法甚高

海鹽圖經

蕭琛

蕭琛將樂人以山水名得唐伯虎筆意尤善畫馬

延平志

蔡世新

蔡世新號少壑虔南人王文成鎮虔日世新為寫貌能得其真延之幕府名以是起亦善鈎勒竹

畫史會要

世新畫像點次若飛

鹿門集

夏美

夏美字宗美號半村慈谿人知潯州貴縣善吟咏兼及

繪事亦如其詩

張翰奚囊蠹餘

顧仁效

顧仁效

武宗時人

王整陽山草堂記曰顧仁效結廬陽山之

棄去舉子業獨好吟咏兼工繪事坐對陽山拄頰搜句日不厭或起作山水人物悠然自得人無知者

震澤集

蔣曉山

蔣曉山善畫山川花鳥竹石

鹿門集

董九華

董九華閩人善畫像

鹿門集

吳雪崖

吳雪崖豐城人善寫竹

雪崖集

瞿汝臣

瞿汝臣號古村

見書家傳

畫類王右丞

瞿文懿公集

張靖

張靖山東人。道釋人物得吳道子之奧。尤善寫照。圖繪寶鑑續纂

孫玘

孫玘字廷瑞

繪事備考作廷玉

能山水人物

圖繪寶鑑續纂

孫錦

孫錦字大紳。玘曾孫。寫照有其祖之妙。

圖繪寶鑑續纂

胡大年

胡大年工葡萄

圖繪寶鑑續纂

王尚賢

王尚賢梅溪人。善戲墨。人物年至九十。筆益妙。

圖繪寶鑑

續纂

劉志壽

劉志壽字伯齡。密縣人。聰穎能詩。以世業任南京欽天監五官靈臺郎。善寫翎毛。尤長鰕蟹。落筆瀟灑。活動可愛。圖繪寶鑑續纂

李昶

李昶字光遠。號柯耕。衢之西安人。禮部司務。善寫松竹。有過庭章。張廷端筆意。圖繪寶鑑續纂

趙丹林

趙丹林善作龍角鳳尾金錯刀竹

圖繪寶鑑續纂

徐柱

徐柱字夢節東吳人善寫葡萄 圖繪寶鑑續纂

伍槩

伍槩字廷節臨川人工書寄祿中書科善花竹翎毛 圖繪寶鑑續纂

周全

周全工畫馬 圖繪寶鑑續纂

楊瑗

楊瑗當塗人為儒學教諭善畫菜有生意 圖繪寶鑑續纂

王彥

王彥字存拙沔陽人善作梅花 圖繪寶鑑續纂

孔福禧

孔福禧先聖之裔工山水 圖繪寶鑑續纂

姜濟

姜濟浮梁人寓蜀寫山水無墨痕有雲煙出沒之奇 圖繪寶鑑續纂

王世昌

王世昌號歷山山東人工山水人物 圖繪寶鑑續纂

朱銓

朱銓字文衡號樗仙長沙人工山水人物鈎勒竹及菊

兔亦能詩 圖繪寶鑑續纂

朱鑑

朱鑑字文藻號墨壺樗仙之弟也山水人物清奇 圖繪寶鑑

鑑續纂

姜隱

姜隱字周佐山東黃縣人善人物士女花果細潤工緻得古人之妙

圖繪寶鑑續纂

杜君澤

杜君澤號小癡姑蘇人工山水嗜酒流寓高郵

圖繪寶鑑續纂

續纂

馬稷

馬稷字舜舉號醉狂江東人善山水人物花木竹石

圖

繪寶鑑續纂

許縉

許縉字尚文工山水

金陵瑣事

薛仁

薛仁字子良山水人物花草專學吳小仙故又號半仙

金陵瑣事

許通

許通善畫牛可亂戴嵩之筆晚年自悔用心之悞乃專

工佛像

金陵瑣事

鄒鵬

鄒鵬字遠之號筠石金陵人善畫山水

金陵瑣事

劉廷敕

劉廷敕江右人善白描佛像人物

畫史會要

毛世濟

毛世濟餘姚人善畫菊尤工傅色英蕊幹葉各臻其妙

畫史會要

黃九霄

黃九霄與毛世濟同邑畫菊亦稱妙品


畫史會要



姚宗

姚宗淮揚人善寫照

畫史會要

佩文齋書畫譜卷第五十六





佩文齋書畫譜卷之五十六

姚宗漢撰人

姚宗

黃九香與毛

黃九

書畫譜

毛世濟餘姚

毛世濟

毛世濟餘姚人

毛世濟餘姚人

